

青年模範叢書

第一輯

抗戰時期
軍民忠勇
故事

團員

忠勇

故事

集(三)

包文同編




書叢範模年青

集事故勇忠員團

(二)

著編同文包



3 0664 2038 5

行印社版出年青

青年模範叢書

第一輯 我國歷史上知識青年從軍之先例

- (一)張 謇、蘇 武 (二)衛 青、霍去病 (三)馬 援 (四)班 超
(五)諸 葛 亮 (六)李 世 民 (七)岳 飛 (八)辛棄疾
(九)戚 繼 光 (十)鄭 成 功

第二輯 革命先烈奮鬥犧牲之事蹟

- (一)陸皓東、史堅如 (二)鄒 容 (三)秋 瑾 (四)黃克強
(五)陳 英 士 (六)朱執信 廖仲愷 (七)蔡松坡 (八)黃花岡

第三輯 抗戰期中軍民忠勇故事

- (一)陸軍忠勇故事集 (二)空軍忠勇故事集
(三)團員忠勇故事集 (四)民間忠勇故事集

第四輯 遠征軍青年軍生活紀實

- (一)遠征軍在前綫 (二)活躍的青年軍

628.504

840

212

青年模範叢書編輯旨趣

一、我國古以六藝施教，兼重文武，故歷代賢豪，在其青年時期，每當國家危難之際，輒能投筆從戎，奮起衛國，其可歌可泣之行爲，常能挽救一代之國運。迄乎近代，首倡革命，推翻滿清，建立民國之先知先烈，自

國父孫先生以次，亦皆發軔於青年時期，其愛國心之誠摯熱烈，行爲之義勇悲壯，更遠邁古昔。此次對倭抗戰，人無分男女，地無分南北，敵愾同仇，奮勇殺敵，在

主席蔣先生領導之下，寫出此忠勇光榮之一頁新史者，大多亦是

60489

青年；此其所爲，蓋與先賢先烈如出一轍。此一貫之犧牲奮鬥精神，實爲我中華民族之優良傳統，亦卽我中華民族賴以永存者也。爲鼓舞我青年見賢思齊之心，使踴躍參加當前之知識青年從軍運動，及今後復員建國之大業，則發揚此種優良傳統之犧牲奮鬥精神，實爲今日切要之圖，此本叢書之所由編輯也。

二、基於上述之理由，本叢書計分四輯，共二十四冊，預定於三十四年一年內次第完成，其各輯書目分列如左：

第一輯 我國歷史上知識青年從軍之先例

- (一) 張騫、蘇武 (二) 衛青、霍去病 (三) 馬 援
(四) 班 超 (五) 諸 葛 亮 (六) 李 世 民

(七)岳 飛 (八)辛 棄 疾 (九)戚 繼 光

(十)鄭 成 助

第二輯 革命先烈奮鬥犧牲之事蹟

(一)陸皓東、史堅如 (二)鄒 容 (三)秋 瑾

(四)黃 克 強 (五)陳 英 士 (六)朱執信、廖仲愷

(七)蔡 松 坡 (八)黃 花 岡

第三輯 抗戰期中軍民忠勇故事

(一)陸軍忠勇故事集 (二)空軍忠勇故事集

(三)團員忠勇故事集 (四)民間忠勇故事集

第四輯 遠征軍青年軍生活紀實

(一)遠征軍在前線

(二)活躍的青年軍

三、本叢書所輯各書，其篇幅內容，力求均勻。但事實上，或以其人
事蹟甚多，雖經過揀擇，仍不免失之於繁；又或以留傳之史料本
來甚少，雖廣為搜集，仍不免失之於略。加以限於時間，成書倉
卒，魯魚亥豕，在所弗免。敬希讀者惠予指教，俾再版時得以改
正，不勝企幸。

柳克述敬識 三十四年五月五日於陪都

凡例

一、本團成立以來團員忠勇奮發，冒險犯難者所在皆是；而以戰區敵後爲尤多。其事蹟之可歌可泣，難以罄言，特就先後搜集之資料，分集編印「團員忠勇故事集」一書，以示崇敬。

二、本書第一集於三十二年十二月出版，所紀團員忠勇事蹟，起於民國二十七年十月二十五日張孝揚同志之殉難，止於民國三十二年八月山東支團部主任秦啓榮同志之爲奸匪所戕害。

三、本書第二集所紀團員忠勇事蹟，以第一集付梓之時，迄三十四年年底以前所搜集之資料爲範圍。凡三十二年八月以前之團員忠勇事蹟，未及即時呈報，及本書第一集已列未詳，而搜集續有所獲者，亦均補列於第二集中。

四、本書各集，依其性質，分爲四編，所紀忠勇事蹟除第一集第三四兩篇以外皆大體以時爲序。

五、本書第一編「壯烈捐軀所紀皆本團先烈成仁之史實，其間或作戰而死，或陷敵不屈而死，或遭敵僞奸徒慘殺而死，或拒姦殺賊，自戕而死。雖其死難之經過不聞，而其爲壯烈殉國則一。第二編「英勇殺賊」則紀戰地團員之忠勇事蹟，或英勇殺賊，或襲殲敵奸。第三編「冒險

犯難「所紀或身陷敵中，打擊敵奸，或協助軍隊，偵察敵情，或破壞敵偽交過，或救護傷兵難民，或掩護工作同志。第四編爲「忠義可風」一編，則或忠勤殉職，或陷敵不屈，或見義勇爲，或毀家紓難，或拾金不昧，其忠肝義胆，亦足令人感奮無窮。

六、本書所紀諸同志事蹟其資料或未甚詳備，則酌予併述，或列表於各編之末，

七、本書內容疏漏之處，知所難免，亟望各地同志，踴躍供給資料，或惠予指正，以便增訂，俾成善本，實所切禱。

團員忠勇故事集(二)

目次

第一編 壯烈捐軀

- 一、張鴻祥……………一
- 二、郭次言許可欽毛長坤楊長海等四人……………二
- 三、修元勤……………三
- 四、李百福……………四
- 五、張清汶孟憲台……………五
- 六、孫清晨盛德第……………六
- 七、李養之魏宅南……………七

- 八、劉雲崙耿繼忠……………八
- 九、張世傑……………九
- 一〇、李養村葉 葵……………一〇
- 一一、李靜安倪錫森紀金發……………一一
- 一二、羊邦榮……………一二
- 一三、井東禧翟 魁……………一三
- 一四、李運昌吳玉嶺孫裕澄……………一四
- 一五、夏貴元王瑞標張傳茂……………一五
- 一六、滕紹光吳玉嶺……………一六
- 一七、華根彬吳少雲郭茂清……………一七
- 一八、徐松根姜東崇徐慶貴嚴大餘王開文等五人……………一八
- 一九、戚鴻庚趙霏施羅運生……………一九
- 二〇、王秀章趙家登林長春錢伯卿錢伯松方 鵬王錫華王 克張仁法等九人……………二〇

一一一、徐琳	一一一
一二二、孟仙和鄭建華	一二二
一二三、裘法林李德勝	一二三
一二四、唐 俠羅建良趙樹範	一二四
一二五、周正綱	一二五
一二六、周致中	一二六
一二七、吳德全	一二七
一二八、張若秀李方泌趙宗河	一二八
一二九、劉克龍譚雪梅張澄清	一二九
一三〇、郭執祕王秉志	一三〇
一三一、張德安	一三一
一三二、張祥春魏子芳錢 誠諸河清許 堅陳子明孔明君楊啓進劉俊傳劉林華	一三二
熊繼武朱永光楊邦清羅士英魏長壽魏長林等十六人	一三二

三三、尤大夏蕭 強歐陽景煊施堅衡 俊等五人……………三三三

三四、唐作富任孝田……………三四

三五、郭葆水……………三五

三六、趙執吾王士麟周相三……………三六

三七、王榮聖崔蔚瑞……………三七

三八、任明月楊繼額……………三八

三九、陳榮德王大儒……………三九

四〇、高慶珠司紀關於承魏陶立功等四人……………四〇

四一、許逢文袁孝民……………四一

四二、劉祖望陳國傑……………四二

四三、文 晰朱升之唐霖羣……………四三

四四、黃開霖……………四四

四五、王宗懿蔣振國袁壽光陳 濤文 斌陳家芝譚曙陽李 青陳翠 張克俊

宋仁傑李鑑國胡斌王心田等十四人.....	四五
四六、駱勳何曙初.....	四七
四七、劉其敬劉國鈞劉志鈞劉其金劉克仁等五人.....	四八
四八、于子明.....	四九
四九、朱正良楊前友.....	五〇
五〇、方志華莫福祥.....	五一
五一、謝維明.....	五二
五二、郎護山郎希簡關啓運.....	五三
五三、魏春華張連運.....	五四
五四、李士林.....	五五
五五、劉國政李紹袁孝民.....	五六
五六、楊賢寶.....	五七
五七、陳玉庭陳慶元王吳人.....	五八

五八 許 江葉志熙……………五九
五九 黃德辰黃國基王大仁……………六〇

第二編 英勇殺賊

一 田甫同王 雄周連生趙子儒李聚尙羅榮興張會藩等七人……………六一
二 甘遠錫關一揮陳俊傑……………六二
三 崔東魁……………六三
四 楊學曾周 斌……………六四
五 柴俊英……………六五
六 陳承恩張學祥……………六六
七 張德楨……………六七
八 林金妹鄭祖蔭何振林家和陳避英魏弼曾文泉黃強等八人……………六八
九 黃瀛洲……………六九

一〇	徐兆祥	七〇
一一	黃鴻黃田慈黃存亮	七二
一二	王日華林慶壘	七三
一三	余龍騰彭篆香	七三
一四	賈務本賈璫	七四
一五	李德先劉夢虎李輝	七四
一六	賀金州華石汀	七五
一七	黃強黃斌民	七五
一八	李鎮廷	七五
一九	何震陳維光原叔斌李楚光江秀清蔡逸松等六人	七六
二〇	林驊鄭師信林治泉陳德亨陳德惠劉家鏗等六人	七六
二一	張敬忠李鴻勳	七七
二二	劉耀坤劉發生	七七

二三	王漢川徐榮光廖崇昌	七八
二四	楊敬濂	七八
二五	徐遠大康 健彭木春黃光耀張 潔等五人	七八
二六	劉馨五胡秉鈞	七九
二七	楊德慶王希仲	八〇

第三編 冒險犯難

一	余鐵鈞	八一
二	張維中曹沛霖	八一
三	王敬安郎遂昌鄭相臣孫志武等四人	八二
四	陳錦標	八二
五	潘仁杰成致祥康存升	八三
六	鮑昌柱余松年	八三

七	李振璞胡興民·····	八四
八	張光參王常信馬邦傑·····	八四
九	蔡克堯金濟平焦振華·····	八五
一〇	朱堅白黃子美·····	八五
一一	呂信敏王光桂湯祖舜鄭士昆等四人·····	八六
一二	陳惠民·····	八六
一三	胡德仁呂冠年·····	八七
一四	劉永言樓處度·····	八七
一五	錢崇禮·····	八八
一六	羅百強·····	八八
一七	沈松舟·····	八九
一八	袁爾成·····	八九
一九	殷頌宜·····	八九

二〇、金鶴書	九〇
二一、李志川	九〇
二二、司傳樸余中本	九一
二三、焦琴	九一
二四、張瑞王貞元	九二
二五、凌恆衡	九二
二六、宋志仙方志鋒	九二
二七、石志謙張子明	九三
二八、張興增張培民	九三
二九、李翟民陳仲冰	九四
三〇、彭、琪方桂林施文德趙慈仁等四人	九四
三一、湯景舜張化遠陳守中鄭稼軒等四人	九五
三二、秦善從	九五

三三、薛士俊商紹湯徐若愚	九五
三四、沈伯康陳雁卿	九六
三五、趙樂山張有爲許賢達何炎伯李忠國王 烈劉玉卿李耀廷羅潭惠等九人	九七
三六、朱光佐季興豪李國璋注 濬等四人	九七
三七、王道昌孫鳳文汪祖成	九八
三八、王旣銘	九八
三九、唐揖宜郭雲申	九九
四〇、陳翊亭舒大鵬鄒延明王承祖金一鳴等五人	九九
四一、李仲謀	一〇〇
四二、游紹徵	一〇〇
四三、杜有志	一〇〇
四四、李本樑	一〇一

四五、李采先李樹標·····	一〇一
四六、林信昌吳瑾譜·····	一〇二
四七、劉清漢·····	一〇二
四八、李殿績·····	一〇三
四九、丁治中張途嵩·····	一〇四
五〇、劉鴻序·····	一〇四
五一、韓長沂唐伯華韓金蘭韓金梁等四人·····	一〇五
五二、朱紹光吳鵬·····	一〇五
五三、李英蓉·····	一〇六
五四、劉厚和楊家順吳治國常發瑞彭榕生等五人·····	一〇六
五五、胥正黃修源李瑞鶴·····	一〇七
五六、孫誠德杜鴻玉·····	一〇七
五七、蘇渭賓顧俊雄武長清·····	一〇八

五八、	蔣文標	一〇八	
五九、	羅允正王遙松呂	柔陳樹芝等四人	一〇九
六〇、	謝國襄林宗英	一〇九	
六一、	李令貴朱光佐李興豪李國璋等四人	一一〇	
六二、	羅雲霞	一一〇	
六三、	卡金福林耀績	一一一	
六四、	成兆貴林明旺	一一一	
六五、	吳振興方光祖	一一二	
六六、	張學美崔天職馮興元常	瑛李柏麟何紹武等六人	一一二
六七、	張公訪	一一三	
六八、	黃符班劉家鑾蔡由容曾文泉等四人	一一三	
六九、	熊之桐傅	政	一一四
七〇、	邢鳳錦閣志英	一一四	

七一、張寒江黎兆恬龍盛濱歐子政等四人……………一一五
七二、羅云房胡秉昶宋傳森周耕儒劉隆華薛紹煊等六人……………一一五

第四編 忠義可風

一、朱鷓生蔡子炳……………一一七
二、駱漢中……………一一七
三、何志木解遜平……………一一八
四、張仲樂郭喬三……………一一八
五、李國華陳明光……………一一九
六、李紹陵……………一一九
七、樓崇崙……………一二〇
八、袁文玉袁一志……………一二〇
九、唐 凱王 森……………一二一

一〇、王其火	一二一
一一、李雪非高壽銘陳炳耀	一二二
一二、葉日昇汪友法	一二三
一三、許乃文柳 楠	一二三
一四、趙乃鑫葛厚德	一二三
一五、徐履雅	一二四
一六、王鴻賓邵良鏞	一二四
一七、陳日新	一二四
一八、張化選陳守中鄭稼軒郭大偉等四人	一二五
一九、丁鳴竹黃子英	一二五
二〇、吳少白	一二五
二一、汪一能張名著格他學李 剛韓家學等五人	一二六
二二、韓裕喆高殿庚	一二七

一三、徐 森汪	一二八
一四、郭登瀛	一二八
一五、姚子江	一二八
一六、王瑞璋	一二九
一七、車振華	一二九
一八、劉福泉	一二九
一九、尤燮國	一三〇
二〇、鄭鎮和	一三〇
三一、葉登凡	一三一
三二、吳慶雲	一三一
三三、張志怡	一三一
三四、杜海清黃黎光	一三三
三五、周而群李樹相	一三三

三六、黃修源蔣義福	一三四
三七、姚克儉	一三四
三八、毛子佩	一三五
三九、王法庭樊玉山	一三五
四〇、江百川邵子順	一三六
四一、秦啓棠	一三六
四二、蔡熒方陳嚴峯	一三七
四三、賈士	一三七
四四、柴天眞	一三八

剛貞忠勇故事集

團員忠勇故事集(二)

第一編 壯烈捐軀

一 張鴻祥

張鴻祥同志，山東高密人，年三十二歲，任山東八區保安獨立第三團上尉特務連長。二十八年三月，駐防高密四區，二十日晨高密平度之敵三百餘，聯合進犯，張指揮所屬作殊死戰，犧牲士兵七名，連附一員，張亦英勇陣亡，是役，殲敵十餘人。



二 郭次言許可鈞毛長坤楊長海

郭次言同志，山東高密人，年四十一歲，任山東八區保安獨立第三團少校團附，兼高密第二區署長及青年團山東支團高密分團部籌備處主任。二十八年春，因公赴鐵路南九十區一帶，推行縣政。五月五日晨，高密及膠濟鐵路沿站之敵五百餘名，進犯大溝頭防地，經激烈巷戰，不幸陣亡。是役敵傷亡亦重，並斃其指揮官一。我方計犧牲軍需主任楊長海，上尉政訓員許可鈞副官毛長坤及士兵等十餘名。許毛兩同志亦高密人。許年二十三歲，毛年二十五歲。

三 佟元勤

佟元勤同志，山東高密人，年二十七歲，任第四區八寨聯小校長及高密分團第一分隊分隊長。二十八年十二月二十六日，敵犯四區周戈莊，佟與教員趙星階，于俊峯等皆爲所擄。全村民衆，冒死求釋，佟語父老，力阻求饒，卒爲敵挾持至周戈莊，父老仍追隨哀懇，終無效。敵指揮官謂佟曰，池從可免死。佟怒斥曰，殺剛由汝，我膝難屈，詞色俱厲，當高唱「復土抗戰犧牲已到最後關頭」等歌，歌畢復大罵不絕口，引頸就刑，神色不撓。嗚呼慷慨捐軀，從容就義，佟兼之矣！

四 李百福

李百福同志，山西洪洞人，年三十一歲。爲人正直豪放，廣交遊，重義氣，爲師友所重。山西團部組織伊始，李從事團務活動，四年如一日，遞升山西支團臨汾分團部幹事，曾協同九十三軍殺剿叛，功績卓著。二十九年二月二十二日，爲敵所擄，李慷慨陳大義，敵翻譯官爲李所動，乘夜釋歸。九十三軍退却時，李以汾東國土，將拱手讓入，乃大聲疾呼，奔走聯絡，以期作有效之抵抗，不意爲奸僞所截獲，於三十年八月二十八日，竟遭慘殺。臨難前，留書致馮姓友人，有「爲主義奮鬥，捨生取義，爲國家犧牲，殺身成仁」之語，嗚呼烈矣！

五 張清汶孟憲台

張清汶同志，山東高密人，年三十五歲，任高密縣政府教育科視導員。二十九年四月八日，高密及蔡家莊兩地敵僞二百餘名進犯我周戈莊一帶防地，適縣府移交，張方在東村辦理交代，敵僞猝至，被擄不屈，遂遭毒手。

又孟憲台同志，亦山東高密人，年三十五歲，任軍委會別動總隊四十四支隊上尉政訓員。二十九年五月二十日，奸僞軍集結大部兵力，向唐家坡進犯，孟於激戰中中彈，被俘不屈，遂慘遭殺害。

六 孫清晨盛德第

孫清晨同志，山東聊城人，年四十五歲，曾於美國華盛頓大學，研究農業。返國後任教廳督學及聊城師範校長，七七抗戰後，任壽張聯合中學校長及山東支團聊城區團幹事。二十九年夏，由壽張返籍，途經楊穀城北，被漢奸劉學來截獲，交送陽穀敵軍，備受非刑，昏厥者再而終始不屈。臨難時，高呼中華民國萬歲，慷慨就義，嗚呼烈矣！同時殉難者有聊城區團辦事員盛德第同志。盛山東陽穀人，卒業於壽張聯立師範，年方弱冠。

七 李養之魏宅南

李養之同志，陝西邠縣人，任邠縣分團區隊長，曾參加中條山及南陽諸戰役，極英勇。二十九年秋，奸偽侵佔邠縣龍高鄉一帶，奉命率隊進攻，不幸於東井村陣亡。時年三十五歲。

又魏宅南同志，山東淄川人，年二十四歲，任三縱分團部第二區隊第一分隊隊長，兼任三縱二十五梯隊祕書。二十九年十月二十七日，在淄川六區臨池浙北國莊駐紮，被敵包圍，奮勇衝殺，遂壯烈犧牲。

八 劉雲崙耿繼忠

劉雲崙同志，江蘇淮陰人，爲蘇北區團淮陰分團第一區隊第三分隊隊員，因運用民衆武力，打擊奸僞，於二十九年十一月，被圍陣亡。

又耿繼忠同志，江蘇銅山人，爲蘇北區團銅山分團第一區隊第十分隊隊員。二十九年冬，敵寇四百餘，進犯銅山張集基地，耿率隊堵擊，殺敵十餘名，嗣因衆寡不敵，於十二月三日，殉國於銅山秦莊。

九 張世傑

張世傑同志。山東安邱人，年二十八歲，任安邱分團部籌備處第二區團務視導員。二十九年冬，奉令進駐二區，連絡地方，發展團務，卓著勞績。翌年一月二十四日，以不滿百人之武力，遭敵數百人襲擊，仍英勇抵抗，協助連長曹俊臣，指揮激戰，身被數創，兼以雪地嚴寒，流血過多，當晚逝世。

十 李養村葉 棻

李養村同志，武昌人，年三十歲，務農，因目擊倭寇殘暴，思有以復仇雪恥，於二十八年入團，從事抗戰工作，於團務活動，尤其熱忱。三十年三月二日，以奸偽蠢動，偕第九區隊長葉棻於附近周家坊一帶，調查奸偽軍蠢動情形，不幸爲漢奸所知，是晚，敵兵及漢奸六十餘人來襲，李葉皆奮不顧身，徒手搏鬥，傷痕遍體，同日犧牲！葉臨死猶高呼中華民國萬歲，嗚呼烈矣！

十一 李靜安倪錫森紀金發

李靜安同志，倪錫森同志均浙江吳興人，同為浙江支團吳興分團團員，工作努力，忠勇有熱忱。三十年三月二十一日，於吳興銀壩橋地方，與敵作戰陣亡。

又紀金發同志，年二十一歲浙江衢縣人，為衢縣分團直屬第十四分隊團員。三十年夏，敵軍擾境，是年八月紀於東鄉硯上地方，不幸被俘，迫令破壞機場，紀大罵，遭毒刑，傷重致死。

十二 羊邦榮

羊邦榮同志，浙江富陽人，年三十一歲，浙江支團杭州分團青年服務隊隊員，在富春江一帶，參與對敵鬥爭工作，凡三年，頗著成績。三十年五月九日，抗縣凌家橋敵兵，向周家浦等處竄擾，奸淫擄掠甚慘。羊義憤填膺，即攜手榴彈，潛往，在凌家橋至周家浦途中之轉塘地方埋伏，相機擊斃，經炸死敵兵二名。嗣敵還擊，彈中腹部，遂壯烈犧牲。

十三 井東禧瞿 魁

井東禧同志，陝西白水人，以國員充陸軍四二師政工隊員。三十年九月，被敵包圍於山西陽抗戰殉職，時年方二十歲。

又瞿魁同志，字伴雲，年二十六歲，魯臨朐人，服務於直屬第二八旅，抗戰五年，堅苦卓絕。三十一年一月，敵偽大舉犯我省府及三縱隊臨沂博邊區防區，瞿隨軍轉移至沂水八區花水莊，是月八日拂曉，該莊遭敵偽包圍，瞿與衆英勇抵抗，巷戰達數小時之久，以衆寡懸殊，犧牲慘重，不幸陣亡。

十四 李運昌吳玉嶺孫裕澄

李運昌同志，江蘇銅山人，年二十六歲，任蘇北區團銅山分團第一區隊第四分隊長，嘗奉命整頓保甲，清剿奸僞，勳績卓著。三十年十月二十九日，奸匪突於夜間猛犯我防地，李率隊抵抗，不幸於銅山八區王開口中彈陣亡。又蘇北區團團員吳玉嶺，孫裕澄於三十二年剿匪殉職，皆以英年慷慨成仁，良堪悼惜。

十五 夏貴元 王瑞標 張傳茂

夏貴元同志，浙江臨海人，年二十三歲，王瑞標同志，浙江天台人，年二十二歲，任警士，均臨海分團團員。三十一年二月，於天台剿匪時皆不幸陣亡。

又張傳茂同志，山東淄川人，任淄川分團武裝區隊隊員。三十年四月，奉命往支團聆訓，歸途經六區敵家莊，與敵偽遭遇，經奮勇抵抗，終因衆寡不敵，壯烈犧牲。

十六 藤紹光吳玉嶺

藤紹光同志，任蘇北區團銅山分團股長，吳玉嶺同志，爲第五區隊團員，吳於沛縣剿匪之役殉難。藤於三十一年五月十日，奉派赴徐州工作，因化裝潛往徐州城南晁湖，擬辦理該鄉新團員宣誓手續，不意被敵偵知，行經晁湖北山傍，遭敵截擊。藤持匣槍據墳抵抗，以衆寡懸殊，卒爲所俘。藤仍奮力格鬥，敵之大罵，遂爲亂刀刺死，壯烈捐軀！

十七 華根彬 吳少雲 郭茂清

華根彬同志，吳少雲同志，郭茂清同志，皆浙江東陽人，同為浙江支團金華分團團員。三十一年五月中旬，浙東之敵竄擾浙贛鐵道沿綫各縣，五月二十四日，其先頭部隊六百餘人，竄抵金華縣屬之嶺脚地方，華等皆攘臂奮起，隨同戰地服務隊第一隊，協助陸軍第三十四師部隊，與敵展開激戰，郭受傷，被俘不屈，遂無音訊。

十八 徐松根 姜東崇 徐慶貴 嚴大餘 王開文

徐松根同志，年二十五歲，姜東崇同志，年二十二歲，徐慶貴同志，年二十七歲，嚴大餘同志，王開文同志，年二十六歲，皆浙江江山人，爲浙江支團江山分團團員，於團務工作，均具熱忱。三十一年六月間，敵陷江山，燒殺擄掠，無惡不作。諸同志義憤填膺，分別奮起抵抗。姜東崇徐慶貴於七月二十四日，嚴大餘於六月十日，王開文於七月二十九日，先後壯烈犧牲。徐松根則於敵進擾湖川松茅崗一帶時，與團員王英卿等三十三人，奮勇襲擊敵軍，徐爲機槍掃射，飲彈三發，陣亡，惟時日未詳。

十九 戚鴻賡趙靄施羅運生

戚鴻賡同志，浙江諸暨人，年二十七歲。趙靄施同志，浙江嘉興人，年二十八歲，均浙江支隊嘉興分團部第三行動隊隊員。三十一年七月六日，在嘉興平湖邊境，奉令擊敵，英勇激戰，皆不幸陣亡。

羅運生同志，湖南人，年二十五歲，亦為嘉興分團團員。三十一年九月二十四日，在嘉興南與敵激戰，陣亡。

二十 王秀章趙家登林長春錢伯卿錢伯松方 鵬王錫華

王 克張仁法等九人

浙江支團嘉興分團團員王秀章同志安徽人，年二十四歲，卅一年八月二十一日在桐鄉殺敵陣亡。趙家登同志浙江諸暨人，年十九歲。林長春同志浙江溫嶺人，年廿一歲。錢伯卿同志年二十歲，浙江諸暨人。錢伯松同志年二十八歲，方鵬同志年十九歲，王錫華同志年二十一歲，王克同志年二十三歲，張仁法同志年二十二歲，皆浙江嘉興人，均於三十一年八月二十一日，在桐鄉與敵作戰陣亡。

二十一 徐琳

徐琳同志山東益都縣人，任山東支團益都分團籌備處幹事兼第四區隊區隊長。自「七七」事變後，朱良戰役，實爲山東抗戰殺敵之先聲，徐與有力焉。抗戰六年，歷大小戰役百餘次，殺敵甚多。三十年春，於縣境五區勦匪，尤著勳績。三十一年九月二十六日，敵犯我魯蘇戰區挺進隊第三縱隊防地，徐奮勇殺敵，身死士卒，於山東臨朐牛角山壯烈殉國，時年二十七歲。

二十二 孟仙和鄭建華

孟仙和同志，浙江諸暨人，年二十四歲，爲浙江支團嘉興分團團員。三十一年十月八日，在海甯與敵作戰，陣亡。

又鄭建華同志，浙江嵊縣人，年二十九歲，嘉興分團部第二行動隊長兼第五區隊長。三十一年十月十七日，在嘉南敵「清鄉區」與敵作戰，被俘不屈，壯烈成仁。

二十三 裘法林李德勝

裘法林同志，浙江嵊縣人，年二十二歲，爲浙江支團嘉興分團團員，三十一年十二月十五日，在常德與敵作戰，陣亡。

又李德勝，亦浙江嵊縣人，年二十二歲，亦爲嘉興分團團員，三十一年十二月十九日，在嘉興南與敵作戰，英勇殺敵，不幸，陣亡。

二十四 唐俠羅建良趙樹範

唐俠同志，羅建良同志，均湖南人。唐年二十四歲，羅年二十五歲，同爲嘉興分團團員。三十三年一月四日，在杭縣與敵作戰，皆不幸陣亡。

又趙樹範同志，浙江紹興人，年二十六歲，任嘉興分團部第一股副股長兼代第四行動隊隊長。三十二年一月七日，在嘉南敵「清鄉區」與敵作戰，彈盡殉職。

二十五 周正綱

周正綱同志，山東聊城人，周致中胞弟也。性剛勇而孝，好武。小學畢業後，即隨兄參加地方人民自衛團，任小隊長。剿滅土匪，安定地方，爲乃兄臂助。七七事變後自籌組人槍百餘，參加第六區隊第三支隊，任特務連長，轉戰該區，身先士卒，一時有勇將之譽。嗣升特務團長，雖乏軍事學識，而治軍有方，德威兼具，每戰必身先士卒，英勇邁羣。二十八年冬，夏津縣鴨窩高莊戰役，管擊斃敵顧問中村宇之助。張茌平縣張二馬莊之役，曾生俘敵伍長降田，當時右手中彈，左脅被刺傷，而談笑不置意。二十二旅戰功赫赫，實與有力焉。三十二年二月五日，於恩縣五區梁吳莊沙河區域，英勇殺敵與其兄致中，同時壯烈犧牲！

二十六 周致中

周致中同志，山東聊城人，性磊落，喜交遊，擅拳勇，名聞一方。二十七年冬，爲打擊敵軍，組成武裝部隊三百餘人。時寇饒方張，迭被迫疏散，而再接再薦。二十九年，任省保安第二十二旅旅長，三十年兼臨清分團幹事，是時實力達三千五百餘人，遊擊於四六兩區，與敵作戰大小五十餘次，與奸僞作戰百餘次。聲威所播，敵匪皆氣爲之奪。三十二年二月五日，農曆除夕之晨，在高唐夏津恩縣邊境防地，被敵酋秋山少將，率騎步兵千五百餘名，汽車二百八十餘輛，以數十里之包圍圈，漸次縮小壓迫。周艱苦支撐，激戰一晝夜，被包圍於恩縣五區梁吳莊沙河區域。周以事不可爲，高呼「殺敵是我們天職，犧牲是我們光榮，最後五分鐘到了，弟兄們須要抖擻精神，多殺幾個敵人！」卒以敵炮火集中，作壯烈犧牲？

二十七 吳德全

吳德全同志，浙西鐵衛第二大隊第一區隊長，三十二年三月二十三日夜，奉令率所部襲擊李家巷敵偽據點，途經老虎洞地方時，適敵偽三四十名，劫掠歸來，發生遭遇戰，惟距老虎洞里許李家巷之敵，聞警增援，吳因敵偽夾擊，衆寡懸殊，退踞附近山崗，猛烈抵抗，不幸彈中要害，陣亡。

二十八 張若秀李方泌趙宗河

張若秀同志，山東高密人，年二十三歲，任魯蘇戰區挺進第四縱隊第十一支隊部傳令兵，及高密分團第二區隊第四分隊隊員。三十二年四月一日，敵千餘犯范家集防地，張奉令隨支隊附李方泌，率隊增援，迫近敵陣，適敵炮彈飛落陣地，張李與趙隊長宗河同時壯烈犧牲，趙亦高密人，年二十四歲。

二十九 劉克龍譚雪梅張澄清

劉克龍同志，益陽人，年三十歲，任華容區隊長。譚雪梅同志，南縣人，年十八歲，爲縣立鄉村師範區隊第一分隊團員，三十二年五月十一日，均爲敵所俘，堅不屈服，大罵敵軍，皆被害。其殉難地點，劉在華容境內，譚在廠窰。又張澄清同志，年二十七歲，南縣人，爲南縣分團第一區隊第三分隊長，於是年五月十五日，在南縣武聖宮，與敵對抗，斃二人，卒被害。

三十 郭執秘 王秉志

郭執秘同志，魯淄川人，年二十六歲，任淄川分團部籌備處第二股長。王秉志同志，亦淄川人，年二十五歲，任武裝區隊第二分隊長。三十二年五月二十四日晨八時，二同志於五區蔭柳莊，突遇敵偽軍三十餘人，猝不及避，因拔槍突擊，且戰且退，傷偽軍二人。終以衆寡懸殊，又當開闊地區，所持短槍，不利野戰，退行約四里，至董家清附近，又遇焦莊偽軍截擊，是時郭已負傷，不能疾行，王不忍捨之獨行，彈盡援絕，相與壯烈犧牲。

三十一 張德安

張德安同志，山西長子人，年二十五歲任長子分團籌備處錄事。三十二年六月二十八日，奸僞進犯我分團駐地南張，張率服務隊五十餘人，在長子縣屬紫沙嶺，與之激戰。以衆寡懸殊，陷入重圍，歷兩小時之久，始奮勇突圍，因身負重傷，不幸陣亡。

三十二 張祥春魏子芳錢誠諸河清許堅陳子明孔明

君楊啟進劉俊傳劉林華熊繼武朱永光楊邦清羅

士英魏長壽魏長林等十六人

常德戰役，戰地服務隊團員作戰陣亡者十六人，其死難之地：荆宜戰地服務隊，第二隊隊員，張祥春魏子芳在磨盤洲附近，第三隊隊員錢誠在公安開口附近，諸河清在琿竹塢附近，又枝江戰地服務隊隊員許堅，在枝江泔溪附近，陳子明在枝江何家沖，孔明君在枝江孫家沖，楊啟進在枝江金家橋，劉俊傳劉林華在枝江官泔，熊繼武在枝江趙家塢；又宜都戰地服務隊朱永光在過路灘附近，楊邦清在宜都黃蓮頭，羅士英在宜都土地嶺，魏長壽魏長林在宜都熊口皆英勇殺敵，壯烈犧牲！

三十三 尤大夏蕭強歐陽景煊施堅衛俊等五人

常德戰役，團員參加作戰重傷致命者五人，荆宜戰地服務隊隊員尤大夏在街河市附近，枝江戰地服務隊隊員蕭強在河家冲，歐陽景煊在金家橋，宜都戰地服務隊隊員施堅在黃蓮頭，衛俊在姚家店附近，皆重傷致死。歐洲景煊一人，就地掩埋。其餘四人之遺骸，均經送交其家屬，自爲安葬。

三十四 唐作富任孝田

山東支團直屬第六區隊隊員唐作富任孝田二同志，山東沂水人。三十二年七月四日，國軍及省府南遷，奸偽趁隙，集中兵力，在沂水七區芝蔴峪東山，包圍二同志及其部隊，激戰一晝夜，終以彈盡援絕，二同志先後陣亡，唐年二十四歲，任第二十二歲。

三十五 郭葆水

郭葆水同志，浙江諸暨人，年二十八歲，爲浙江文團紹興分團第一區隊第一分隊分隊長，任紹興縣政府主任秘書。三十二年八月四日，因敵部流竄諸暨，郭指揮紹興縣自衛隊，抗敵於諸暨縣屬之趙英樹下，雖英勇殺敵，而衆寡懸殊，不幸陣亡。

三十六 趙執吾 王士麟 周相三

趙執吾同志，年四十一歲，冀望都人，任山東保安三十八旅旅長。先後於五縱、三縱、獨立支隊，三十八旅每戰必身先士卒，在前綫指揮。三十二年秋，隨山東支團主任秦啓榮，剿匪於阜、莒、安、昌、臨邊境，戰功卓著。自秦殉國後，奉命駐防安邱大陳家莊，紀律嚴明，地方安堵，方繼續準備打擊敵僞，詎十一月七日拂曉，敵集合沿膠濟路各據點之兵二千餘，突然來犯。趙抱必死決心，督率所部，奮勇抵抗。自晨至夕，激戰達八小時，敵猶未得逞。嗣大增援，並以平炮轟破莊南門，蜂擁衝入。我以戰久，彈盡援絕，繼以白刃相搏。又一時許，趙以死傷慘重，大勢已去，不欲身陷敵手，舉槍自殺。是役團員王士麟周相三兩同志，亦同時犧牲殉國。

三十七 王榮璽 崔蔚瑞

王榮璽同志，山東益都人，年二十六歲，任益都分團部第六區隊長，兼第十六隊隊長。三十三年九月二十八日，赴益都第四區福山莊工作，適遇敵寇進犯，抗戰犧牲。

又崔蔚瑞同志，山西臨縣人，年二十五歲，任臨縣分團部籌備處區隊長。自三十年冬入團後，出入敵區，勤奮工作，成績斐然。三十三年十二月十三日，爲奸偽所據，途經臨縣龍王溝，崔伺機奪槍，與奸徒格鬥而死。

三十八 任明月楊繼顏

任明月同志，山東沂水人，楊繼顏同志，蒙陰人，於三十三年二月二十一日，同時入團，對抗戰多所貢獻，尤以任參加抗戰七年，於五縱、三縱、獨立五一支隊，無役不與。三十三年春，兩同志隨軍前往昌邑二區剿除奸僞，克其據點箔羅埠等村，嗣奸僞大量增援，遂被圍，巷戰數小時，卒以衆寡懸殊，壯烈捐軀。任年二十五歲，楊年二十四歲。

三十九 陳榮德王大儒

陳榮德同志，廣東台山人，年二十八歲，爲台山分團所屬第十五區隊團員。三十三年三月三日晨，敵海軍陸戰隊約五百名，分由台屬廣海及三夾海口登陸，直撲斗山圩。時陳適因父病返籍，聞訊立返區署候命，並率領區署各隊，及斗山圩警察，一面警備，一面協助疏散人口物資。上午九時，敵已抵圩，雖衆寡懸殊，陳猶率隊抵抗，激戰二十分鐘，不幸連中三彈，重傷倒地，以流血過多，遂慷慨成仁！

又廣東支團團員王大儒，亦於三十二年十月十五日對敵作戰陣亡。

四十 高慶珠司紀蘭于承魏陶立功等四人

高慶珠同志，淄川分團部籌備處武裝區隊第二分隊分隊長，恆予奸偽以致命之打擊，勳績昭著。三十二年九月十六日晚，偵知奸偽許某，率武裝部隊十餘人，至劉鄉從事綁架，因率隊往擊，許重傷，因而潰散。十一月十一日，駐博山敵領事館情報主任羅桂亭，突來淄川四區，捕鄉長三名，謂其勾結青年團。十五日又至四區洞村莊，捕同志二人，幸經設法保釋。同月十八日，高偵悉羅逆，由博山來淄川崑崙鎮，當化裝前往擒羅，羅不肯行，以地近車站，恐生意外，不得已予以槍決。十二月六日，駐磁村鎮敵守備隊翻譯劉榮泉，依勢敲詐，作惡多端，高偵知其於是日由張店歸，即埋伏獲劉，劉持槍射擊，因途槍斃之。十二月十二日，復偵悉奸偽由區購運大批物品，經我防地，即往截擊，獲白布十二疋。三十三年三月二十日晚，高率隊員司紀蘭、于承魏、陶立功三人，赴五區寇家莊一帶工作，不幸被偽警軍隊五十餘人，包圍襲擊，高等奮勇抵抗，卒以衆寡不敵，同時殉難，其忠勇事蹟，洵足以資矜式矣。

四十一 許逢文袁孝民

許逢文同志，爲河南魯山分團第六區隊附，袁孝民同志，爲魯山分團團員。許年二十九歲於三十三年六月十七日在魯山四維鄉交通堵，與臨汝「皇協軍」馬安良部激戰，奮不顧身，受傷殉職。袁於是年五月十二日，協助十二軍，在耿集鎮姑嫂石，與敵激戰竟日，於白刃戰中，慷慨捐軀。

四十二 劉祖望陳國傑

劉祖望同志，年二十二歲，曾於河南嵩縣任分隊長。三十三年五月，嵩縣潭頭失陷時，劉偕其妻，毅然參加戰時工作服務隊，協助工作。是月十七日，因游擊敵軍，中彈陣亡。

又陳國傑同志，河南開封人，年二十二歲，好學深思，爲文下筆萬言。敵陷潭頭，毅然參加戰時工作服務隊，從事游擊，不幸殉難，時爲三十三年五月十七日。

四十三 文 晰朱升元唐霖羣

文晰同志，湖南長沙人，年二十歲，任湖南支團長沙分團戰地服務隊第八大隊分隊長。三十三年五月十八日，於長沙會戰中，遇敵於含浦鄉金牛嶺，奮力激戰，彈盡援絕，被俘不屈，遭敵剝皮碎尸而死，嗚呼烈矣！

又朱升元同志，湖南長沙人，爲戰地服務隊隊員。三十三年六月十日於長沙長樂鄉九江廟，爲敵便衣隊所擄，強抗不屈，頭骨被擊碎裂而死，時年二十二歲。

又三十四年五月團員唐霖茲參加戰地服務隊英勇殺敵兼掩護郴縣各機關團體民衆退却，不幸陣亡。

四十四 黃開霖

三十三年，敵犯長樂之役。福建支團長樂分團，戰地服務，隊員，黃開霖等，預爲之備。敵攻城時，據守西郊，激戰一時許，敵前哨不支後撤，旋回老山及台案山等處，以小鋼砲還擊，我陣地皆毀，因撤至城郊，城遂陷。旋偵悉敵將撤退，爰聯合民衆三百餘人，克服縣城。繼復發現營前湖山嶺及畔野地方有敵兵各十餘人，我戰地服務隊馳往肉搏，俘敵二，斃敵十一，中有敵少尉一人。我亦死二人，傷八人。黃開霖同志奮不顧身，勇敢衝殺，中彈陣亡，至堪悼惜！卒以縣府部隊未及赴援，未竟全功。翌日下午三時，敵兵圍攻，縣自衛隊撤退，城復陷。

四十五 王宗義蔣振國袁壽光陳濤文斌陳家芝譚曙陽李

青陳翠峯張克俊宋仁傑李鑑國胡斌王心田等十四人

三十三年長衡會戰，長沙分團奉令担任執法隊，協助國軍守城。幹事長王宗義，集中戰時服務隊六大隊，共計團員二千五百餘人，協同警憲，清查奸宄，搶救難民，運送傷兵，慰勞將士，並担任報導新聞，張貼畫報，及採訪情報等各項工作，收效極宏。當湘江東岸難民麕集，無術渡江之際，長沙分團復組織水上巡查隊，一面由執法隊派員赴靳江河以划船二十餘隻，於猴子石一帶，從事義渡，不分晝夜，搶救難民達一萬餘人。

當敵我兩軍激戰時，長沙分團派團員袁壽光等八人，赴城北巡查，袁壽光等五人，英勇殉職。

迨長沙我軍轉進，青年團戰時服務大隊，轉入河西。第八大隊駐地九江廟陳家祠堂，忽有二入，草冠青衣，悍然闖入，知為敵便衣隊，一隊員即以槍瞄準，令毋動，一隊員自側面搜獲其手槍二枝，未幾，又來二人，着軍服，蓄短鬚，則敵軍也。三隊員同時舉槍擊斃之。此時復來一人

，亦不克逃，跪地乞憐。方擬俘虜之，而門外槍聲不輟，隊員三十餘人，齊出戰鬥，文斌等三人不幸於九江廟街被俘，遂遭毒手！

此際龜頭市與如意亭一綫，發現由甯鄉循古道去湘鄉之敵。兩側繞道逃難之人勢如潮湧，其時青年團武裝同志，亟擇一山頭，射擊敵軍，掩護難民。激戰達四小時，反覆衝鋒二十餘次，敵終未敢進犯，願以彈藥不繼，團員犧牲極衆，是役鹵獲敵無綫電機一座，電話綫一束，馬一匹，俘虜一名。

長沙分團幹事長王宗競矢志不渝，率督練員蔣振國等四人，方於顏家鋪指示應變方針，遙見室外有多人形迹可疑，迎面而來，槍聲隨人聲並至，蔣振國應戰，立即殞命。王登山指揮，亦負傷，團員潘振鈴力勸脫離火網，王大聲曰：「逃走是我輩青年莫大恥辱，而况久受三民主義薰陶的革命青年」！堅持不去，卒致戰死。是役也，團員犧牲慘重，其查明證實，在長沙西鄉顏家鋪殉難者，爲王宗競、蔣振國，在長沙北門新河殉難者，爲袁壽光，在長沙龜頭市殉難者，爲陳濤，在九江廟街殉難者，爲文斌，在湘潭如意亭殉難者，爲陳家芝、譚曙陽、李青、陳翠峯、張克峻、宋仁傑、李鑑國、胡斌、王心田，其猶未悉知者尙多，嗚呼烈矣！

四十六 駱勳何曙初

駱勳同志，任河南支團禹縣分團直屬第三分隊分隊長。三十三年敵犯禹城，駱隨縣長守城。以衆寡不敵，城破，當與敵肉搏巷戰，斃敵兵三名，卒中彈陣亡。

又湖南支團醴陵分團分隊長何曙初，奉派前線，偵察敵情，中途遇敵，左腿受創，猶復與敵搏鬥，投擲手榴彈二，爆發傷敵，惟因衆寡懸殊，終遭慘殺，此三十三年事也。

四十七 劉其敬劉國鈞劉志鈞劉其金劉克仁等五人

三十三年七月六日晨，敵僞步騎六百餘人，犯龍門縣屬茅岡鄉。分團書記劉其敬率領團員劉國鈞、劉克仁、劉志鈞、劉其金等十餘人，策動當地青年，及一般民衆，與敵激戰於石壩村。迄午，敵佔四週高地，因退守村內，敵四面環攻，我死傷枕藉。時劉其敬頭部已受傷，仍裹創力戰，相持至暮，村陷，劉一手持槍，一手執刀，突圍肉搏，力竭身亡。是役斃敵五十餘人，村民死傷殆盡。劉家除母及二女倖逃外，餘均殉難。劉其敬別號慎夫，廣東龍門茅岡鄉石壩村人，八歲失怙，天資穎悟，經由小學遞升大學，學行均優，以生長農家，母老而貧，資力不繼，不得已輟學，曾暫任小學校長。洎抗戰軍興，廣東各地編組民衆自衛團，茅岡鄉民衆原編一中隊，經力主擴編，改編爲一大隊，並被任爲大隊附，襄助大隊長，組訓民衆，異常努力。二十七年，農歷「九三」茅岡之役，曾擊退敵軍，經政府記功嘉獎，又曾任該鄉鄉長，及民教館長，成績卓著，并經教育廳予以嘉獎。二十五年十二月二十五日加入青年團，任青年團廣東支團直屬龍門區隊區隊附，及籌備員等職。三十二年龍門分團籌備處成立，被任爲幹事兼書記。縣臨時參議會成立，以當選爲參議員。殉難時年三十一歲，是役，團員劉國鈞劉志鈞劉其金劉克仁等亦皆力戰死難。

四十八 于子明

于子明同志，山東昌邑人，曾任前省會分團第十分隊長及第四區隊長等職，任事認真，勇於負責，對團務開展及情報探遞等工作，勞績卓著。不幸於三十三年八月一日，隨省會西移，在鄒縣車路口遇敵，不屈慘死，時年三十二歲。

四十九 朱正良楊前友

朱正良同志，字洪範，湖南長沙人。任長沙分團戰地服務隊第三大隊大隊附。三十三年十月九日，朱率部襲擊白沙洲之敵，不幸中彈殉職，時年二十九歲。

又楊前友同志，福建福清人，任福清分團戰地服務隊分隊長。三十三年十月二十九日，於福清漁溪率隊禦匪，勇敢當先，中彈陣亡，時年二十四歲。

五十 方志華莫福祥

方志華同志，浙江金華縣人，任金華鞋塘區代區長兼自衛隊中隊長。三十三年十一月七日，於蘭谿百聚莊，被奸偽襲擊，率隊迎戰，中彈陣亡，時年三十三歲。

又莫福祥同志，廣西永福人，年二十一歲。三十三年十月十日入團，十一月二十二日，隨青年軍於長老地方，與敵遭遇，奮勇作戰，飲彈陣亡。

五十一 謝維明

謝維明同志湖北應城人，年二十五歲，三十三年任應城縣政府指導員時，兼任楊聚鄉鄉長，十二月十二日，因奸偽竊據縣城，該鄉亦遂淪陷，謝於是晚，率屬轉移，誤經匪穴，被捕不屈，經囚禁三日，忽詢以是否為青年團團員，謝知不能隱，慨然自承，奸偽立殺謝，擲污泥中。

又湖北支團團員岑國清同志，年三十歲，任排連長有年。三十二年農曆二月二日為奸偽所據，拷訊團中情形，岑不屈，且大罵，遭奸偽慘殺。

五十二 郎護山郎希簡關啟運

郎護山同志，年二十五歲，郎希簡同志，年二十九歲，皆山西陵川人，爲陵川第六區隊第一分隊隊員。三十四年一月十七日，同隨服務隊工作，於上郊村，遭遇奸僞，均於石掌村之雞承嶺，激戰殉國。

又關啟運同志，山西陵川人，爲陵川第三區隊團員。三十四年二月二十六日與奸僞老二團一部，在長治西火村遭遇，奮勇殺敵，飲彈陣亡，時年二十四歲。

五十三 魏春華張連運

魏春華同志，山西陝川人，爲第八區隊第一分隊團員。三十四年二月二十六日，於長屬西火村作戰捐軀，時年二十五歲。又張連運同志，亦山西人，因公於三十四年六月五日道出臨汾縣屯頭村，爲奸僞所擄，遂遭其毒手。

五十四 李世林

李世林同志（女），於三十年十月任沅江衛生院院長，兼沅江區隊青年戰時服務總隊軍醫主任。當三十四年三月十一日，南華等縣敵寇進犯草尾之際，李荷槍實彈，參加總隊，力爲阻擊，並隨時救護傷病員兵，奮不顧身，士氣因以大振。乃不幸於三月十五日服務總隊襲取大潭口之役，中彈陣亡。捨生取義，以巾幗不讓鬚眉，真難能可貴矣！

五十五 劉國政李紹袁孝民

三十四年三月二十一日豫中日寇進犯魯山之役，當地團部所屬戰地服務隊分隊長劉國政與隊員李紹等力戰陣亡。

又魯山戰地服務隊中隊長袁孝民，河南魯山縣人，年三十歲。因領導地方武力，協助十二軍，於魯山耿集姑嫂石，與敵血戰，相持逾一晝夜，於白刃戰中，亦不幸陣亡。

五十六 楊賢寶

楊賢寶同志，福建福清人。三十四年四月二十四日，奉令進剿赤山嶼股匪，激戰三小時，殲匪甚衆，不幸中彈殞命。惟此役終能獲勝，成功成仁，亦足稱矣。

又林新同志，福州林森縣人，任某部指揮部衛士，於某地英勇作戰，亦不幸陣亡，時年二十五歲。

五十七 陳玉庭陳慶元王吳人

陳玉庭同志，陳慶元同志，均浙江龍巖人，爲浙江支團龍巖分團武裝農工團員。三十四年五月一日，協助龍巖分團六區保安自衛大隊，圍剿奸僞百餘人，於白土鎮肖垵保之田螺形地方，以衆寡不敵，不幸陣亡！

又王吳人同志，浙江龍泉人，爲龍泉分團團員，其爲人忠誠勇毅，因服務地點遭奸僞洗劫，不甘示弱，與之搏鬥而衆寡懸殊，卒遭慘殺。

五十八 許江葉志熙

許江同志，爲湖北支國通山分團第七區隊馮三分隊團員，任通訊員，成績卓著。三十四年六月十九日。隨模範壯丁隊出發前方，搜集情報，遇敵奮戰，陷陣死。

又江漢區團員葉志熙，不幸爲奸匪所擄，嚴刑拷訊，連兩晝夜。葉矢志報國，堅毅不屈，且痛罵奸匪不絕口，奸匪斷其兩臂，然後破腹挖心以死，真慘絕人寰矣！

五十九 黃德辰黃國基王大仁

黃德辰同志福建廈門人，爲廈門義勇隊分團團員。三十四年，不幸在廈門爲敵所據，受刑不屈，遭敵毒手。

又黃國基同志，廣東翁源人，年二十歲，任教員兼保安隊附。三十四年敵兵犯境時，率全保自衛壯丁英勇拒戰，不幸中彈，壯烈犧牲！

又廣東支團團員王大仁同志，殺敵殉國，亦壯烈可風。

第二篇 英勇殺賊

一 田甫同 王雄 周連生 趙子儒 李聚尚 范俏卿 羅榮興 張曾

藩等八人

田甫同同志，任臨澧分團第二區隊區隊長，三十二年敵寇犯境，奉令參加敵後工作。當敵由常桃潰退時，率團員王雄周連生等，於農曆十一月十五日下午，在陳二鄉第一保望城坡附近，偵查殘敵情形，爲敵所俘，迫令嚮導。田因徒手未能與抗，乃設計誘敵至周家巷口地帶，趁其防備稍疏，奪敵槍，斃敵二人，並獲三八式長槍二枝，鋼盔一頂，刺刀連鞘二把，子彈二十五發，卽經一併繳獻，三同志者，可謂智勇兼備矣。

又三十三年九月一日，敵軍掃蕩衡陽戰地服務隊根據地，全部工作人員及隊員，隨軍退至靈官殿附近，遇敵，遂相搏戰。敵以機槍掃射，死傷隊員趙子儒、李聚尚、范俏卿、羅榮興、張曾霖等五人。

二 甘達儒關一揮陳俊傑

甘達儒同志，廣東台山人，年二十五歲，爲廣東支團台山分團部第三十三區隊第二分隊分隊附。嘗配合廣陽守備區上下川守備隊，出擊上川島敵僞，甘率分隊團員及地方壯丁，參加三洲錢作戰，攻克上川島，斃敵水產公司大班大烟一名，俘獲敵指導官宮谷，及水產公司經理伊郎與爲軍九十六名，步槍九十六支。敵遭慘敗，因調集下川島敵僞四百餘名，配合海空軍，於三十二年十二月十四日，包圍上川島，並分向三洲沙堤兩據點猛撲登陸。時守備隊已退返，衆寡懸殊，遂由該隊團隊長關一揮陳俊傑，率領團員轉進，據險抵抗，在石笋高冠等地，展開劇戰。歷三日夜，斃敵二十餘名。惟以首尾受敵牽制，偶生聯絡，致石笋爲敵所圍，十八日下午四時，甘始率團員壯丁突圍而出。

三 崔東魁

崔東魁同志，河南襄縣分團幹事，襄縣淪陷後，迄未離境。三十三年五月四日，崔當率隊千餘，與敵搜山步隊激戰於紫雲山，斃敵二十餘人。又僞軍張連山部，於五月十二日，率匪五百餘，侵襲百甯岡。崔率隊與之激戰，歷一晝夜，斃匪八十餘人。翌日乘勝聯合舞陽關震亞，葉縣關煥亭，臨穎劉晴山，圍攻敵僞，激戰十二小時，敵不支潰退，自此敵僞遂不復敢四出騷擾，地方民衆，賴以安甯。

四 楊學曾周 斌

楊學曾同志，爲河南支團嵩縣區隊區隊長，周斌同志，爲嵩縣區隊區隊附，對於黨團政軍合作及軍民合作，與夫編組地方武力等工作，成績均著。楊嘗於三十三年五月十六日協助國軍襲敵於桑樹嶺，殺敵一百一十二人，獲槍一百三十二枝，並於十七日募款萬五千元勞軍。周當於是年六月十六日，會同第十師唐團長，擊斃偽保安隊長黃吉甫等多名，殺敵致果，兩同志與有力焉。

五 柴俊英

柴俊英同志，任河南支團確山區隊戰地服務隊隊長。三十三年六月二十一日，乘敵過境騷擾之際，捕獲敵上尉參謀一名，因情勢緊急，就地處決。又著匪張元賀等，久經通緝在逃，復乘機投入游擊隊，橫肆搶掠，經戰服隊迫令入安全區，當場格斃匪衆十六人，地方賴以安甯。

六 陳承恩張學祥

三十三年敵陷長樂，是時福清分團，以長樂戰地服務隊，兵力單薄，久戰疲敝，遂召集福清海口戰地服務隊，選武裝隊員三十二人，由隊長陳承恩，隊附張學祥率領，得福長地區指揮官何震之同意，開赴長樂，協同當地民團，堵擊敵軍。二十夜三時，奉何指揮官令，開赴長樂福田，與敵激戰歷三晝夜，始由省保安隊掩護撤退。此三晝夜中，僅進薄粥一餐，其英勇犧牲之精神，亦難能可貴矣。

七 張德楨

張德楨同志，爲河南支團臨汝分團部幹事長。臨汝淪陷，國軍退至臨汝北山者十餘萬人。張赴山中，與各軍接洽，計先後護送一百一十師全部與二六七團，總共三萬餘人，安全出境，又管於三十三年九月十三日及二十八日，兩次與敵在該縣黃莊激戰，均告捷，先後斃敵官兵一百四十餘名，鹵獲軍用品極多。

八 林金妹鄭祖蔭何援林家和陳避英魏弼曾文泉黃強等

八人

林金妹同志，爲長樂戰時服務隊隊員，於三十三年十月八日圍殲敵軍之役，兄弟三人同伍，比肩作戰，其弟二人，均受傷，猶復奮勇，殺敵英勇可風。

又鄭祖蔭同志，福州人，嘗在樂羣樓地方作戰，遭手榴彈傷七處，傷重被俘，遂無音訊。

又三十三年敵犯長樂之役福清分團幹事長何援、書記林家和、股長陳避英與長樂分團書記魏弼，戰地服務隊長曾文泉隊員黃強等預爲之備。與敵往返搏戰甚烈，斃敵官兵十餘人，亦英勇可風！

九 黃瀛洲

三十四年二月十日，邵陽分團部黃瀛洲同志，曾襲敵於兩市塘。當擊斃敵杉森隊長一名，敵兵九名，生擒上等兵石川平一郎一名，獲敵旗一面，印信一顆，電訊器材約百斤，及其他軍用品多種，其英勇洵足多已。

英勇殺賊

十 徐兆祥

三十三年中原戰役，青年團河南支團洛陽分團轄區洛陽、孟津、伊川、宜陽四縣，相繼淪陷。是時各地愛國之士，先後紛起，號召民衆，保衛桑梓。其意志堅定，孤處前方而時與敵奸周旋，屢獲戰果者，以宜陽徐兆祥爲最，徐爲宜嵩民團指揮官，青年團宜陽區團指導員，組率民團約三千之衆，以宜陽南北山區爲據點。曩嘗率隊剿滅匪患，聲威大著。

三十三年敵寇猝至，徐率地方團隊，協助國軍，打擊敵寇，屢挫敵鋒。宜陽淪陷後，據山區，乘機襲敵，繼復與奸僞奮鬥，豐功偉烈，表現殊多。其著者，如九月與宜陽敵僞八餘百人戰於沙坡頭，連戰五日，斃敵僞六十餘人，卒予擊退，獲戰利品甚多。

三十四年元月下旬奸僞七百餘夜半來襲，徐僅率十餘人扼守據點，雖傷亡逾半，終不屈，相持達十小時之久，俟援至，內外夾攻，斃奸僞二十餘人。

同年二月率隊進剿竄擾宜陽洛河北部溫村王洵一帶之奸僞，連戰四日，斃奸僞軍四百餘人，卒使潰退瀾池。繼復進剿東趙堡奸僞之巢穴，使敵奸服其英勇，而爲之斂迹，其奮鬥表現，可概見矣。

宜陽爲我黨團及情報人員前往敵後必經之地。徐派員嚮導護送，賴以安全。本團在宜陽工作之推行，及對後方各地之聯繫，亦多賴其協助，功績卓著，實難能可貴矣。

十一 黃 鴻黃田慈黃存亮

三十四年三月一日，陸軍暫編第二軍成立挺進支隊，青年團湖南支團，資興分團團員黃鴻率令任該隊指導員，迭進入郴、永、資邊區隊後，實施游擊。迭夜襲鯉魚江、木根橋、三都、韶江市、塘洞之敵，以及敵哨所伏湘南煤礦鐵路，及韶江市三都通永興要道往來之敵。嘗數度被敵包圍，或堅守，或突圍，均親臨陣地，與戰鬥兵同進退。八角塘之役，繳獲敵輕機槍一挺，步槍兩枝。又嘗率兵力一排，截擊敵兵，經軍政部傳令嘉獎。計隨軍三月，先後率屬繳獲敵步槍十四枝，輕機槍一挺，雜件無算，並生俘敵兵野地金吾（東京人），釜口新藏（東京人）川木伍二（大阪人）等三名，斃敵一百三十名，傷敵二三百人。黃訓練士兵，以整肅風紀爲務，嘗以通俗具體之故事，闡述黨員守則，與軍人讀訓之精義。以是軍紀嚴肅，秋毫無犯，民衆頌揚，有口皆碑。當地士紳及知識青年，多樂爲之助。

黃於淪陷區亦能與民衆協力，故能深入敵偽勢力範圍，作有力之宣傳，進而積極發動士紳民衆，成立西北區聯鄉自衛大隊配合國軍作戰，同時滲入敵偽組織，控制各地維持會，使爲我用，

擒縱自如。又常就地撫慰民衆，並直接間接搶救陷區知識青年及士紳民衆先後數百人。軍行所至，每發動團員，組織戰地服務隊，陷區團員經儘量收容，或使之隨軍服務者百餘人。團員黃田慈、黃存亮等二人，於塘家灣伏擊敵人之役，以手榴彈斃傷敵軍，曾奉資興分團部傳令嘉獎，其英勇事迹大略如是，亦殊堪欽慕矣。

十二 王日華林慶壘

王日華同志，浙江金華人，爲武裝行動隊隊員。三十四年三月八日夜，奸偽圍攻溫蒲時，與衆應戰，英勇殺賊，以衆寡懸殊，力盡被擄，翌日，死於亂棍之下。

又林慶壘同志，任福建長樂青年日報社長。嘗設計發動遊擊策略，於軍需籌劃，民間連絡，致力尤多，并經協同軍隊，反攻縣城，殲敵十一人。

十三 余龍騰彭篆香

長沙分團直屬第一分隊分隊長余龍騰隊員彭篆香，曾於三十四年三月二十一日往長沙市區工作。因值盟機臨空，避入天心公園內防空壕中，俄而彈落如雨，一敵兵驚慌而入，余等即乘機刺斃之，並割其首，以其外衣裹之，繳呈首級血衣於分團部，可謂智勇兼備矣。

十四 賈務本 賈 瓏

三十四年三月二十一日，豫中日寇集結敵偽軍三千餘人，進犯魯山下湯、四科樹、李青店一帶。因沿途駐防之挺進軍第六縱隊不戰而退，二十二日拂曉，敵突至四科樹。當地團部所屬預備大隊大隊長賈務本，立即率隊抵抗，奮不顧身。不幸受傷，被俘，遭害，死而復甦，經我軍奪歸醫治。嗣敵主力他移，分團特派第三股股長賈瓏，率領戰地服務隊，協同魯山縣長李超凡，五區保安團團長柯瑞人等，於二十七日反攻，克復下湯，四科樹。按自三十三年中原事變以來，雖迭遭敵奸襲擊，仍能愈戰愈奮，曾不稍餒。此次敵犯宛西，賈等尤能沈著應戰，英勇殺賊，其所表現，洵足多矣。

十五 李德先 劉夢虎 李輝

湖南支團郴縣資興兩分團，於三十四年五月二日郴縣東坡大奎等處激戰陷敵後，暫遷坪鄉，經派戰地服務隊隊員李德先，潛入敵陣偵察，獲敵偽佈告標語八份。一面派該隊隊長劉夢虎，隊附李輝，率武裝隊員三十五名協同作戰，兼掩護郴縣各機關團體民衆退却。敵以砲火猛擊，我隊員皆奮不顧身，爭先殺敵，至於七小時之久，卒能完成任務。

十六 賀金州華石江

賀金州同志，華石江同志爲沅江區隊戰地服務隊隊員。三十四年六月八日，敵百餘人，圖進犯草尾。賀、華二同志隨隊與敵血戰，達三小時之久，斃敵六名。復深夜渡河，偷襲敵營，完成草尾保衛戰。然不幸皆於是役爲敵所俘，遂無音訊。

十七 黃強黃斌民

黃強同志，黃斌民同志均爲長樂戰時服務隊分隊長，管殿後掩護員工撤退，賴以安全。黃等於第一次克復縣城之役，馳往最前綫洋嶼，搜索敵蹤，並搶救死傷同志，黃強同志且冒彈手刃敵兵二人，鹵獲戰利品甚多，英勇、熱忱，冠於儕輩。

十八 李鎮廷

三十三年九月廿一日廣西之敵由容縣黎村，竄至楊墟。青年團團員李鎮廷，參加自衛隊，僞裝行之，偵察敵情，適敵兵五人，因行軍疲勞，熟睡民家，李潛取刺刀，殺敵兵三人。餘二人，從夢中驚醒，李出避去，敵兵追之不及。李歸報偵察所得，於是自衛隊埋伏狹路中，俟敵兵大隊過，密集射擊，敵措手不及，復傷斃二十餘人。

九 何震陳維光原叔斌李楚光江秀清蔡逸松等六人

何震同志爲福州分團幹事，陳維光同志，爲福州分團幹事兼書記，原叔斌同志，任第一股股長，李楚光同志，任第二股股長，管發動團員協助部隊反攻福州，均臨前綫殺敵。

又江秀清同志，爲分團幹事，蔡逸松同志，爲福州市團員，均福州人。江管在倉前山石厝作戰，傷右足，蔡管在倉前山對湖作戰，彈穿肺部，皆英勇可嘉！

二十 林驊鄭師信林治泉陳德亨陳德惠劉家鎧等六人

林驊同志，鄭師信同志，均爲長樂戰時服務隊隊附，主持軍需，處理事務，不辭勞怨。同時，協助隊長，維護治安，舉凡偵察敵情，掩護撤退，反攻縣城，圍殲敵軍，皆無役不與。隊員林治泉同志，陳德亨同志，陳德惠同志，及長樂分團籌備員劉家鎧同志，於三十三年十月八日圍殲敵軍之役，均徒手搏鬥，劉家鎧，陳德惠且獲戰利品甚多。

張敬忠李鴻勳

張敬忠同志，任河南支團豫北區團主任，深入敵後，發動雄厚武力，與敵抗爭。集步槍五千枝，輕機槍二百餘挺，砲百門，且週立團務機構，并號召豫北青年，集中訓練，吸收入團，雖敵奸環伺，而莫如之何，英勇有爲，足資矜式。

又李鴻勳同志，任河南支團魯山分團幹事長，經組織民衆武力，打擊敵軍，曾於石佛寺地方，與敵偷襲部隊遭遇，當即阻擊敵軍，我撤至讓河之後衛部隊保安第三團，因得從容戒備，減少犧牲，厥功至偉。

二二 劉耀坤劉發生

劉耀坤同志，爲陝西支團陝縣分團幹事長，與書記劉發生同志，於敵軍入境後，協助政府辦理肅奸工作，卓著助績。經與敵先後大小接觸十數次，斃敵三百餘，傷敵五百餘，政治力量，達於全縣七分之五地區，人民耕作如常，有足多矣。

英勇 殺賊

二三 王漢川徐榮光廖票昌

臨湘分團，於湘敵初發動時，即加強戰地服務隊之組織。迨敵南犯蠢動，十一中隊隊員王漢川曾於長安鎮，以斧殺敵中尉一名，獲手槍一。隊員徐榮先，在縣境沈家冲，斃敵便衣隊二名，獲手榴彈四。又直屬第一區隊區隊長廖票昌曾率團員於石田擊退敵軍，奪救民衆十餘人，牛一頭。

二四 楊敬濂

岳陽分團幹事長楊敬濂，嘗與湘陰分團徐李兩區隊，會同警察隊，率武裝團員，在湘陰洪源洞截擊由岑川回竄之敵，發生激戰。自午至暮，斃敵五十餘名，馬三十匹，我陣亡五人。

二五 徐遠大康健彭木春黃光耀張潔等五人

綏署學生軍指導員團員徐遠大，廣西平樂人，於長老作戰時，在第一錢指揮，身先士卒，忠勇可嘉。

又百色分團股長康健，廣西平樂人，是役，奉命指揮左翼作戰，鎮靜沈著，斃敵甚多。彭木春同志廣西南甯人，黃光耀同志廣西宜山人，亦於左翼參加作戰，彭中敵彈傷左足，康傷右手。又廣西支團幹事會第三組組長張潔，江蘇銅山人，處事鎮靜而周詳，於長老地方作戰時，身臨前線，沉着指揮，於夜間突圍時，且能身先士卒，英勇却敵。

二六 劉馨五胡秉鈞

劉馨五同志，任湖南支團舞陽分團幹事長，兼宛屬第四指揮區副指揮。策劃殺敵，功績甚著。曾出擊「皇協」軍張連三，趙相賢等部，敵深畏之，曾懸賞二萬元，欲得之以摧我抗戰之武力，其忠勇可知矣。

胡秉鈞同志，爲河南支團葉縣分團部主任，曾編組戰地服務隊，計三大隊，共三千九百二十五人，槍三千八百三十枝，曾與敵偽激戰三次，並先後擊斃漢奸二十餘人。

二七 楊德慶 王希仲

楊德慶同志，爲河南支團伊川分團團員，管策動寨子街僞人民自衛團團長團附郭繩武楊省三反正，又管設宴誘招敵住寨子街司令官，當場予以槍決，並誅殺敵翻譯以下二十餘名。嗣敵派隊圍攻，於史家窩地方激戰三晝夜，卒擊潰之。

又王希仲同志，爲河南支團洛甯區隊區隊長，管策動民衆，組織八個支隊，集人槍五千餘，打擊敵奸，作戰二十餘次，成績斐然。

第三編 冒險犯難

一 余鎮鈞

余鎮鈞同志，湖北咸甯人，年二十八歲，畢業於日本士官學校。抗戰軍興，任武昌分團籌備處主任，兼軍事委員會別動總隊第二縱隊先遣支隊隊長。二十八年一月，因赴嘉魚進賢嘴，為匪首陳德新所擄，經團員胡席珍營救脫險，並說陳歸正，成立支隊部。同年三月十八日余率少數人槍往後方聯絡友軍，途經蒲圻神山被害殉難。

二 張維中 曹沛霖

張維中同志，山東新泰人，年三十五歲，任山東支團部機備處幹事，工作勤奮，頗多建樹。二十八年六月七日敵大舉轟炸省府所在地沂水東里店時，不幸被炸殉難。

又曹沛霖同志，武昌人，年三十歲，為武昌分團團員。曹膽略過人，歷任修賢鄉聯保主任，武昌稽征所長等職。二十八年入團，是年七月，奉令往法泗洲，調查社會情形，並秘密開展團務，被匪首陳金奎所拘，即以亂刀砍殺，屍成肉泥，嗚呼慘矣！

三 王敬安郎瑞昌鄭相臣孫志武等四人

王敬安同志，魯東平人，任二十一梯隊政訓處副主任。郎瑞昌同志，沂水人，任二十一梯隊副司令。鄭相臣同志，沂水人，任二十一梯隊副官。孫志武同志，沂水人，任二十一梯隊第一大隊長。二十九年春，萊蕪奸偽猖獗，奉命隨軍前往推動團務，搶救青年。三月二十九日，奸匪深夜偷襲，四同志皆被俘，經施毒刑，再活埋而死。郎年三十九歲，鄭年二十三歲，孫年四十歲，王未詳。

四 陳錦標

陳錦標同志，爲上海支團團員，憤注逆精衛成立偽組織，遂不避艱險力事宣傳，並聯絡滬上各學校學生罷課，致遭嫉視。二十九年四月十二日，於途中不幸受奸徒狙擊，彈中太陽穴，穿腦部而出，立時犧牲。

五 潘仁傑成致祥康存升

潘仁傑同志，山東高密人，年二十二歲，任山東第八區保安獨立第三團中尉副官，不幸於二十九年六月，被奸僞暗殺。

又成致祥同志，康存升同志，皆山東淄川人，服務於淄川分團。二十九年奉令協助三區天明鎮組織民衆自衛團，於槐峪爲奸匪秦繼成等所擄，被槍殺，成年二十五歲，康年二十六歲。

六 鮑昌柱余松年

鮑昌柱同志，浙江義烏人，年二十四歲，爲杭州分團直屬第八分隊團員，秉性勇毅誠篤。二十九年七月十五夜十二時，我軍反攻富陽縣屬東沙洲之役，鮑自告奮勇，爲嚮導，率士兵十餘人，向浮沙渡敵營衝擊，冒死前進，敵機槍擊中其頭部，立即殞命。

又余松年同志，年十九歲，浙江衢縣人，爲衢縣分團直屬第十四分隊團員。三十一年夏敵竄擾衢縣，是年八月，余因公途遇敵軍，遭槍殺。

七 李振璞胡興民

李振璞同志，山東淄川人，年二十四歲，任山東支團淄川分團總務股長，因公冒險赴七區工作，在東譚家莊附近，爲匪軍馬某等狙擊殉職，時爲二十九年七月二十二日。

又胡興民同志，陝西白水人，以團員充陸軍四十二師中尉參謀，二十九年八月，於山西夏縣觀察陣地，爲敵擊斃，時年二十一歲。

八 張光參王常信馬邦傑

張光參同志，山東高密人，年四十二歲，任魯蘇戰區游擊第二縱隊獨立第三團上尉軍需，忠勇負責。二十九年十月一日夜十時，突有冒充軍隊之匪徒六七十人，至張宅，擄張去。十一月五日，發現其尸體於五龍河底，同時獲匪二人。

又魯蘇豫皖邊區支團團員王常信馬邦傑皆年二十六歲，河南杞縣人，皆從事戰地工作，不幸被奸僞所殺。

九 蔡克堯金濟平焦振華

蔡克堯同志，江蘇宿遷人，任蘇北區團淮陰分團第五隊區長。二十九年十月，赴東台述職，路經漣水，被奸偽暗殺。又蘇北區團團員金濟平於三十年二月因公陷敵，遂遭毒手。

又焦振華同志，陝西白水人，充陸軍一六七師特別黨部助理董事，於團務工作，素具熱忱，敵於三十年一月，偷渡黃河，焦因公適在潼關，於砲火中中彈殉職，時年二十五歲。

十 朱堅白黃子美

朱堅白同志，江蘇鹽城人，爲蘇北區團直屬幹訓團區隊隊員。三十年春，敵攻興化縣城甚急，朱率省幹訓團學員黑夜突圍，爲敵截擊，身中數彈，殉職。殉難之地，同在興化北門外顏家莊，時二月二十日也。

又黃子美同志，江蘇鹽城人，任蘇北區團直屬幹訓團區隊青年服務隊指導員。三十年三月十二日，敵機狂炸鹽城伍佑鎮，中彈殞命，時年二十六歲。

十一 呂信敏 王光桂 湯祖舜 鄭士昆等四人

呂信敏同志，浙江甯海人，年四十歲。王光桂同志浙江溫嶺人，年三十三歲。湯祖舜，浙江蕭山人，年十七歲。鄭士昆同志，浙江瑞安人，年十八歲，均臨海分團團員。三十年三月，敵在海門登陸，呂等不顧艱險，堅守崗位，呂、王、湯三同志，皆担任情報通訊工作，不幸被敵發覺，皆遇害。鄭爲外海水警無線電練習生，則於突圍時犧牲。

十二 陳惠民

陳惠民同志，浙江天台人，年四十五歲，爲浙江支團臨海分團部海門青年服務社義務醫師，對團極多貢獻。三十年三月間，敵陷海門，陳因聯絡海門區分隊團員，作最後撤退，不幸遭敵兵截路檢查，發現臂章文件等項，知爲青年團團員，被破腹而死，亦云慘矣。

十三 胡德仁呂冠年

胡德仁同志，山東淄川人，年二十三歲，任山東支團淄川分團直屬第二分隊分隊長，三十年四月，奉命爲國軍作影導，於三區東坪莊北，被敵狙擊殉難。

又呂冠年同志，山東淄川人，年二十五歲，任淄川分隊武裝區隊第二分隊分隊長。三十年因病請假，在四區笠山莊調治，事爲偽淄長人民自衛團通訊大隊長焦振海所知，被擄，遂遭鎗殺。

十四 劉永言樓處度

劉永言同志浙江紹興人，任紹興分團部第三股（宣傳）股長，幹練熱忱，不辭勞怨。三十年四月十七日，紹城陷敵，工作同志，多被包圍，旋脫險至嵊縣。四月二十三日，偕工同志數人，搭車赴金華向支團部請示工作方針，車次嵊縣長樂段二頭門站附近，敵偽部隊喬裝國軍突然襲擊，雖冒險出火網，而因中彈重傷，竟不治。

又樓處度同志，浙江遂昌人，年二十三歲，任永康分團部籌備處股長，工作積極，成績斐然。三十年四月二十三日於敵機空襲中，因公在永康汽車站，中彈殉職。

十五 錢崇禮

錢崇禮同志，浙江吳興人，年二十三歲，任浙江支團吳興分團部籌備處辦事員，成績卓著。對防止奸偽活動，尤為積極。自新四軍明令解散後，奸偽份子竄入吳興敵後活動，破壞抗戰。三十年四月二十五日，有奸偽二名，一為吳興政工隊員王某，一為女性鮑某，在吳興東鄉肆行破壞抗戰工作，經分團扣留，謊稱自願至西鄉受訓，錢乃於二十七日陪往，途經公路附近之澀村，為埋伏之奸偽數人所擄，於附近荒地，先以繩猛勒，待其奄奄一息，再予活埋以死。

十六 羅百強

羅百強同志，浙江富陽人，年二十八歲，初任杭州分團部宣傳股長，嗣任富陽區隊區隊附，為富陽團務拓荒者之一。迭務獲奸黨，貢獻甚多。三十年夏，富陽區隊江北分隊舉行分隊會議，羅百強出席督導，不幸櫻投，竟不治，時為三十年七月初八日。

十七 沈松舟

沈松舟同志，浙江富陽人，年二十六歲，爲浙江支團杭州分團富陽區隊直屬團員，忠貞服務，爲社會人士所推許。三十年八月六日午後三時，由太隆鄉史家山小學赴場口向區隊部接洽團務，遭匪徒無端勒索，據理抗爭，竟遭槍殺，經杭州分團函請一〇五師緝兇槍決，以儆奸宄。

十八 袁爾成

袁爾成同志，浙江新登人，年二十四歲，任吳興分團部籌備處書記。因於浙西前綫，與敵僞強烈鬥爭，辛勞過度，以致體力虧損。三十年八月，袁力疾率所屬衝越敵封鎖綫，部署反清鄉工作，以打擊敵僞陰謀。無如病益加深，十月十日病劇，於十七日下午十時逝世。

十九 殷頌宜

殷頌宜同志，湖南長沙人，年三十歲，任長沙分團部主任，努力工作，於奸僞組織，多所破壞。長沙第一次會戰時，殷堅守崗位，以防奸僞暴動，遂深受其仇視。三十年十月三十一日晚，不幸在來陽郊外五里牌，爲奸僞分子所暗殺。

二十 金鶴書

金鶴書同志，浙江東陽人，任浙江支團紹興分團辦事員，工作努力，勞績甚著。三十年十一月十九日下午六時，因公自東陽赴紹興，不幸於_三縣合山附近，遭匪徒五人襲擊，腰中二彈，醫治罔效，遂不幸殉職。

二一 李志川

李志川同志，武昌人，年二十九歲，性剛勇，擅國術。武漢淪陷後，充武昌普愛鄉聯隊附，於抗戰貢獻良多。

李於二十八年加入青年團，二十九年，充第九區隊體育指導員兼第一分隊長，進行團務，不遺餘力。三十年冬，以敵僞便衣隊，沿鄉騷擾，因協助第九戰區工作隊員，從事偵捕。十二月二十五日，於何家湖遇敵酋小田，衆寡不敵，遂遭慘殺，死後屍身猶屹立不動。

二二 司傳璞余中本

司傳璞同志，山東淄川人，任淄川分團武裝區隊第一分隊指導員，其為人爽朗而胆識過人。三十一年一月九日因奉命赴二區刺探奸偽情況，並指導該區同志工作，不幸為奸偽所害，時年二十八歲。

又余中本同志，陝西洋縣人，任洋縣分團分隊長，兼洋縣新鋪鎮鎮長，能當機立斷，且饒有苦幹精神。三十一年四月，方於新鋪鎮間，抽查戶口，遭奸偽慘殺，時年二十四歲。

二三 焦琴

焦琴同志，浙江平湖人，年三十一歲，為青年團浙江支團直屬松陽區隊團員。其為人熱忱奮發，三十一年夏，敵陷松陽，焦留敵區，担任情報工作，於農曆七月十日，在古市樟溪鄉附近，擒獲敵便衣隊一人，因此被敵巡哨發覺，致遭槍殺。

二四 王貞元

張瑞同志，浙江麗水人，爲浙江支團麗水分團團員，對團務素多貢獻，三十一年六月，金華敵竄陷麗水，張仍留城內，積極從事秘密工作，爲敵發覺，遂遭慘害。

又王貞元同志，浙江紹興人，紹興分團團員，於團務工作素富熱忱。紹興雖於三十年四月間淪陷，而王仍於縣境工作不懈，不幸於三十一年一月，被敵包圍，遂遭毒手。

二五 凌恆衢

凌恆衢同志，江蘇鹽城人，年三十五歲，爲蘇北區團鹽城分團第一區隊第五分隊長。凌於團務甚具熱忱，於搜集情報，搶救陷區青年等工作，極著勞績，致遭奸僞忌恨，竟殘殺其父，凌匆遽趕救，亦被殺。其地爲鹽城樓莊附近，時三十一年六月十九日也。

二六 宋志仙方志

宋志仙同志，浙江建德人，年二十九歲，爲浙江支團建德分團團員，爲人勇敢機警，三十一年七月，因在敵區蘭谿，担任情報工作，被敵包圍，遭其毒手。

又方志鋒同志，浙江諸暨人，年二十四歲，爲嘉興分團團員。三十二年一月九日，在魯南「清鄉區」工作，不幸被捕，遂遭其毒手。

二七 石志謙張子明

石志謙同志，山東博山人，任淄川分團直屬第三分隊分隊長，三十一年十月，因工作努力，爲匪所忌，嗾使敵憲兵隊逮捕，祕密處死，時年二十九歲。

又張子明同志，年二十八歲，山東支團直屬第二分隊隊員，忠勇奮發。三十二年，敵以數萬兵力，大舉進犯安邱山區，張時服務於軍醫處，在其包圍圈中，遭敵砲火轟擊，受重傷而死。

二八 張興壇張培民

張興壇同志，魯博山人，年二十二歲，任魯蘇膠區游擊第三縱隊新編第一支隊通訊隊長。三十一年十一月，奉命往博山區石白莊一帶，推行工作，於是月九日，不幸被奸偽狙擊，重傷殞命，抗戰四年，卒爲國犧牲。

又山東支團團員張培民，潘朝貴亦先後爲敵兵所殺，皆英年奮志以歿，彌堪悼惜。

二九 李翟民陳仲冰

李翟民同志，廣東人，年三十年，任浙江支團，嘉興分團直屬第三分隊長。因工作努力，遭偽軍忌，三十一年十二月十四日，不幸遭其毒手。

又陳仲冰同志，廣東番禺人，年二十九歲，任廣東支團婦女生產工作團分團部籌備處書記。居恆刻苦努力，對團務尤具忠忱。三十二年一月五日，親率團員，前往黃田壩，運輸產品，並張貼宣傳漫畫，適敵機來襲，被炸身死。

三十 彭 琪方桂林施文德趙慈仁等四人

彭琪同志，湖南邵陽人，年三十二歲。方桂林同志，浙江嘉善人，年二十四歲，施文德同志，浙江吳興人，年十九歲。趙慈仁同志，浙江嘉興人，年十八歲，均為嘉興分團部第二行動隊隊員。三十二年一月十九日，在嘉興吳興邊境，因與奸偽某軍，作激烈鬥爭，皆遭其暗殺。

三一 湯景舜張化遠陳守中鄭棕軒等四人

湯景舜同志，年二十二歲，江蘇沐陽人，爲蘇北區團青年服務隊隊員。三十年春，敵攻興化，奉命掩護民衆疏散，爲敵追殺。其地在興化北門外，時二月二十一日也。

又蘇北區團團員，張化遠、陳守中、鄭棕軒三同志，均於三十二年因公被俘，遂無音訊。

三二 秦喜從

秦善從同志，前林縣分團宣傳股長，在職時，抨擊奸黨言論，成績最佳。嗣以林縣分團移併河北支團，改任城關分隊分隊長。三十二年農曆七月十七日，奸僞大舉進犯林縣縣城，適相遭遇，當被槍擊殞命，時年二十五歲。

三三 薛士俊商紹湯徐若愚

薛士俊同志，陝西宜君人，任宜君團務籌備委員。三十二年五月，因公赴七里鎮，事畢返縣，於門限堵，爲奸僞殺害，時年三十一歲。

又商紹湯同志，河南上蔡人，年三十一歲。其爲人，稟性剛堅，沈默寡言，以敵犯潭頭，奮起參加分團部戰時工作服務隊，掩護居民撤退，不幸於潭頭大王村殉難，時三十二年五月十八日也。

又團員徐若愚年二十六歲，河南杞縣人，因部屬被誘叛變，遭奸僞慘殺。

三四 沈伯康陳雁卿

沈伯康同志，湖北武昌人，年二十三歲，爲武昌分團團員，少年英俊，有堅忍不拔之志。武漢淪陷後，即從事游擊。三十年，充武昌武豐鄉鄉長，三十一年，任縣指導員。三十二年，奉令往青豹區，推展團務，見前縣府國民兵團副團長蕭結，與漢奸謝鈞勾合，沈自擊必傷，意圖挽救，屢進忠言，而蕭豺狼成性，反謀加害，以爲進身降敵之階，六月十六日，遂遭毒手。

又湖北支團團員陳雁卿年十九歲，浙江寧波人，從事戰地工作亦不幸被害。

三五 趙樂山張有為許賢達何炎伯李忠國王 烈劉玉卿

李耀廷羅澤惠等九人

三十二年荆宜區團部，參加常德會戰，有荆宜通訊員趙樂山、張有為、許賢達、何炎伯等四人，枝江分團情報員李忠國、王烈、劉玉卿、李耀廷、羅澤惠等五人，均因偵探敵情，努力工作，被擒殺害，其死難之地：趙樂山等四人，在松滋夫子廟，李忠國在枝金家莊王烈在楊樹院，劉玉卿在黎家坪，李耀廷羅澤惠在張家場。

三六 朱光佐季興豪李國璋汪 濬等四人

朱光佐同志，年二十九歲，任湖北應城聯保書記兼鄉隊附。三十二年七月二十一日，朱集合同志，謀打擊奸匪，事洩，被殺害者六人，朱身首異處。季興豪同志，年三十歲，任聯保主任。三十二年二月二日，在郎君橋集合同志，謀破壞奸偽行政，不幸為奸偽公安局長楊某所殺，棄屍水中。李國璋同志，年三十一歲，曾任聯保主任區員，及前應城分團第三區隊區隊長。當於三十

二年夏歷一月十三日，假慶賀新年，集合同志，圖打擊奸偽三區行政。詎事機不密，是晚九時，爲奸偽特務隊所殺。

汪濬同志，年二十九歲，曾任聯保主任科員有年，因深入敵後，從事偵查，爲漢奸所執，交敵憲兵處死，時爲三十二年二月二十六日，四同志，皆湖北應城人。

三七 王道昌孫鳳文汪祖成

王道昌同志，服務於山西支團鄉甯分團。三十二年七月被派往河津工作，協助開展團務，不遺餘力。不幸爲敵所覺，十月四日晚，被捕，押解至河津城，非刑拷訊，王堅不吐實，嗣經同志沈誠王世芳等，極力營救，始僥倖脫險。

又綏遠支團團員孫鳳文同志，甘肅支團團員汪祖成同志皆從事戰地工作不幸爲奸偽所殺。

三八 王旣銘

王旣銘同志，山東新泰人，爲由東支團省會直屬區隊第七分隊分隊長，精明幹練。熱心團務，擊劃工作，備極周詳，尤富領導能力。三十二年八月十日，王隨省府西移皖省，過鄒縣魚台交界東路口，不幸遭敵圍擊，因殉難，殁年三十八歲。

三九 唐揖宣郭雲申

唐揖宣同志，江蘇阜甯人，年二十九歲，任蘇北區團鹽城分團第七聯絡小組組長，因憤奸偽橫暴，嘗陰結志士，以圖鋤奸，惜事機不密，被奸偽所據，於三十二年八月十九日，被殺於阜甯陳橋鎮。

又郭雲申同志，江蘇淮陰人，爲蘇北區團淮陰分團第一區隊第二分隊隊員。因努力宣傳奸偽罪惡，遭其忌恨，三十二年十月，遂橫遭殺害。

四十 陳翊亭舒大鵬郇延明王承祖金一鳴等五人

山西支團團員陳翊亭同志，於三十二年八月二十三日，從事戰地工作，積勞病故。又湖北支團團員，舒大鵬同志，通山人，年二十八歲，山東支團團員，郇延明同志，益都人，年三十二歲，山西支團團員，王承祖同志，隰縣人，年二十一歲，浙江支團團員，臨海金一鳴同志，臨海人，亦均於敵後積勞病故，皆以英年齎志以歿！

四十一 李仲謀

李仲謀同志，長治人，年二十七歲爲長治分團團員。於三十一年四月入團後，奉派赴長治白晉鐵路附近，推行團務，忠勤負責，成績甚優。三十二年九月，於工作地區，被奸僞扣留，經非刑拷訊而死，其地爲屯留秦家溝，時三十二年九月十一日也。

四十二 游紹徵

游紹徵同志，畢業於省立建甌鄉村師範後，服務吉陽中心學校，諄諄善誘，心志專一，十年如一日。性剛毅，平日仗義直言，已爲腐惡份子所忌恨，迨三十一年協助地方清剿，益觸奸僞之忌。三十二年秋，方積極籌備開學，突有武裝者二人，持函相邀，至離校三里之王塔村，頭部忽被槍擊，連中三彈而死，時八月二十四日下午三時事也。

四十三 杜有志

杜有志同志，河北支團定興分團股長，三十二年五月杪，於保定被捕，被拘於北平敵陸軍監獄。因屢患病，體漸不支，嗣因復患痢疾，是年十月朔，竟死獄中。杜秉性忠貞，熱忱工作，不幸蒙難，飽受酷刑，終以身殉，實深堪悼惜。

四十四 李本樑

李本樑同志，山西河曲人，年二十六歲。三十一年參加山西支團河崗分團部籌備處，爲義務通訊員，搜集奸偽惡跡，以供參酌。三十二年十月十九日，以河渡停開，有所陳述，當晚繞道渡河，行經馬柵對岸之土地家灣，爲敵軍哨兵以槍頭擊傷，並剝其衣服，呻吟竟夜而死。

四十五 李守先李樹標

李守先同志，年二十八歲，長治人，爲山西支團長治分團部團員，於三十年入團，熱忱工作，不避辛勞。三十二年十月三十一日，赴屯留一帶，從事宣傳，於屯留宋村工作時，突遭奸偽暗殺而死。

李樹標同志，磁縣分團團員，奉密令參加永年敵警備隊充任隊長，掌握偽警隊，掩護團務工作，成績斐然，由是遭匪軍痛嫉。三十三年一月，率士卒數人，搜索匪部，不幸於八方村莊，爲匪所獲，當夜被其刺殺，投屍井中。

四十六 林信昌吳瑾譜

林信昌同志，福建漳平人，任福建支團漳平分團第十四區隊區隊附兼安仁圩合作社經理。三十三年十二月十八日，被奸匪材水旺盧金盛等，槍擊斃命，時年三十四歲。

吳稚譜同志，浙江義烏人，爲義烏戰時服務隊隊員。努力於宣傳工作，遭奸僞之忌，三十三年三月五日，於義烏縣西區南平鎮傅村附近，遭其毒手。

四十七 劉清漢

劉清漢同志，爲山西支團團員。三十三年十月，駐運城敵強迫民衆修築運城機場及倉庫，漢奸監工，肆意鞭撻。是月二十二日晚，劉集合壯丁數人，潛伏道旁，將毒打安邑樊村老翁之漢奸郭必臣，拘至北原，投入枯井。次日，復鼓動罷工，兼佈流言以懾敵軍。敵奸聞訊，雖嚴行防範，而概度恐慌，不數日遂草率停工，民衆來蘇。至十一月初，劉復協同駐猗氏解縣處鄉平陸等處同志李國選王景濬同凝祥楊海珍等，分別組織戰地服務隊，密替民衆，爲敵工作，藉以偵察敵情。

，並破壞交通。未幾，敵調垣曲絳縣聞喜夏縣等地兵力，共千餘人，集中運城，揚言四渡，並抽壯丁爲運輸隊。劉一而派戰服隊隊員，佯爲應役，一面約同李王同揚，會同當地游擊隊，於中條山北，挖掘陷阱，埋藏炸藥以待敵軍，以其爲敵必經之地也。十一月十八日晚，敵果自運城來，被炸斃八人，傷三人，其交通器材被焚燬者亦多。

四十八 李殿績

李殿績同志，於二十八年，任山東支團潢川分團籌備處籌備員，熱忱負責，任勞任怨，且學劃周詳，領導有方，規模得以粗具。繼復歷任代理主任等職，於闡揚主義，組訓青年，貢獻尤多。三十二年分團正式成立後，當選第一屆幹事會幹事，並兼任潢川戰地服務隊總隊附，領導戰地地方武力，深得民衆信仰，其所主辦弋陽中學及兒童教養院等教育文化慈善生產事業，均著成績，不幸積勞致疾，於三十三年三月六日因病逝世。

四十九 丁治中張遂嵩

丁治中同志，江蘇無錫人，年二十五歲，經團部介紹服務於忠勇救國軍蘇常行動總隊，不幸於三十三年三月十五日爲匪槍殺，有青年同志四人同時殉難。

湖北支團枝江分團直屬第三分隊團員張遂嵩同志，年二十四歲，從事戰地服務已三載，居恆潛伏間安寺一帶，担任坐探，出生入死。搜集敵僞情報甚多，三十四年三月十五日，爲敵所捕，遭嚴刑審訊，終不屈，於間安寺江口後鄉被害死。

五十 劉鴻序

劉鴻序同志，魯濰縣人，年三十四歲，濰縣分團部籌備處股員，秉性忠誠，工作勤奮，打擊敵奸，尤終始不懈。三十三年三月二十一日，奉命赴縣府公幹，行經烟灘路，遭敵僞突擊，當即潰擊，且戰且退，迂迴數里，始獲脫險，願以積勞成疾，竟於四月十二日瘳志以歿。

五十一 韓長沂 唐伯華 韓金蘭 韓金梁等四人

山東益都分團主任韓長沂同志，第三股長唐伯華同志，團員韓金蘭韓金梁等同志於艱苦環境中，領導青年，不計危險，與敵偽及其他惡勢力奮鬥，得以奠定山東團務工作之基礎，但為宵小所深忌。三十三年四月二十二日下午三十分時，均於五區小辛莊韓主任住宅中，遭暴徒槍擊而死。

五十二 朱紹光 吳鵬

朱紹光同志，河南萬縣人，年二十七歲。秉性堅毅，不辭勞瘁。三十三年五月，潭頭變亂時。晝夜為戰時工作服務隊籌劃一切，辛勤過度，積勞殉職。

吳鵬同志，河南舞陽人，年三十一歲，先後任舞陽分團部社會服務股股長，及國立河南大學農學院助教，於團務工作，任勞任怨，成績甚優。三十三年五月十七日，因敵陷潭頭，掩護居民撤退，不幸殉職。

五十三 李英睿

李英睿同志，山西崞嵐人，三十三年十月崞嵐分團部派員潛赴崞嵐工作，李多所協助，以功由山西支團部予以嘉獎，三十三年，奸偽藉詞加害智識份子，普遍施行逮捕，李於五月十九日，亦蒙其難，奸偽逼使自認爲「三民主義青年團特務份子」李堅不吐實，兼駁斥奸偽之不法，同月二十六日遂遭活埋，歷十餘日始經家人發覺。時年二十九歲。

五十四 劉厚和楊家順吳治國常發端彭榕生等五人

劉同志厚和，湖南長沙人，爲戰地服務隊隊員。三十三年，長沙四次會戰時，敵犯九江廟，奉令偵察敵情，不幸被俘，遂無音訊，時年三十歲。

湖南支團長沙分團，於三十三年長沙會戰之前，曾發動戰地服務隊，於敵機狂炸中參加空襲服務，分隊長及隊員楊家順吳治國常發端彭榕生等忠勇盡職，或死或傷，可念也。

五十五 胥正黃修源李瑞鶴

三十三年長沙失陷前，戰地服務隊隊員及工作同志，由胥正同志率領，潛駐長沙美洞鄉，繼續工作，曾生擒敵便衣隊五名，獲戰利品十餘種。解送第七十三軍，忠勇可嘉。

又湘潭分團部於縣城淪陷後，設情報站於城區，以李瑞鶴同志爲站長，李率屬，不避艱危，專事情報活動工作，成績卓著。

五十六 孫誠德杜鴻玉

孫誠德同志，山東淄川人，年二十一歲，任山東支團，淄川分團武裝區隊第三分隊通訊員，熱誠努力，三十三年七月二十九日，因公道經國家莊，遭匪擊殺。

杜鴻玉同志，山西洪洞人爲臨汾分團籌備處第一區隊第二分隊團員。三十四年一月十五日，赴洪洞縣屬之鐵燈莊一帶，徵印「三民主義」，行至熱堡，於途中被奸僞刺殺，時年二十七歲。

五十七 蘇渭賓顧俊雄武長清

蘇渭賓同志，江蘇無錫人，年四十八歲，任分團部幹事，甚著勞績。不幸於三十三年十一月在無錫北鄉，遭匪暗殺死。

顧俊雄同志，江蘇武進人，年三十四歲。經團部介紹入忠義救國軍，充武宜辦事處主任。不幸於三十四年一月五日，爲奸僞所暗殺。

武長清同志，山西陵川人，直屬第二分隊團員。三十四年三月十八日，赴高平進行聯絡支軍打擊敵奸，抵蘇村，遭遇奸僞被害，時年三十歲。

五十八 蔣文標

蔣文標同志，江西遂川人，爲雲溪分隊隊員。三十四年一月二十九日，奉遂川黨政戰鬥指揮所令，赴鄉間組織遊擊隊，不幸於瀘溪鄉四保衡溪村沙洲上，被四十師一九團誤擊斃命，時年二十四歲。又蔡勤義同志因公從事戰地工作於途中被敵機炸死。皆英年齎志以歿，良堪悼惜！

五十九 羅允正 王遙松 呂棠 陳樹芝 等四人

羅允正同志，王遙松同志，於三十三年農曆十二月先後在會安爲敵所擄，於三十四年農曆二月十九日上午十時在岷港附近，同遭慘殺。又呂棠同志陳樹芝同志，均於三十三年五月爲敵所擄亦旋遭慘殺。

六十 謝國襄 林宗榮

湖南支團南縣分團部戰地服務隊直屬第二中隊隊附謝國襄，於三十四年二月二十四日午後六時，獨自潛渡小北洲河，偵探敵軍蠢動情形，甫登岸，即遇敵三十餘人，遭遂敵毒手。

林宗榮同志，廣西陸川人，於三十三年參加陸川戰時工作服務團工作。三十四年春，奸僞由奧南撥境，被派往縣屬盤龍鄉，深入奸僞地區，不幸被擄，慘遭活埋，時年二十七歲。

六十一 李令貴朱光佐李興豪李國璋等四人

李令貴同志，江西安吉人，任江西支團安吉分團第二區隊第七分隊長。三十四年三月二十三日，奉安吉分團令，刺探奸偽情形，於獨松關奸偽集聚時，擲手榴彈擊之，惜未爆發，於是被俘。是月二十五日遂遭槍殺。

湖北支團團員朱克佐同志，年二十九歲，李興豪同志，年三十一年，李國璋同志，年三十一歲，皆湖北應城人。因努力於戰地工作，為奸偽所創殺。

六十二 羅雲霞

三十四年四月一日上午十一時許有國機一架，在甯鄉高露鄉第五保之烟竹冲陷區墜落起火，敵便衣隊聞訊而來，戰地服隊第三十一大隊第二中隊隊長羅雲霞等，乃由銀田鄉井，馳往救援。經護送跳傘下落之空軍第五大隊第二十六中隊梁隊長同生出險，並與敵便衣隊，激戰於嶺山。同時，自起火機中，拾卸重機槍五挺，及焚燬機件三十三件，就近解送軍委會精神軍大公忠義部隊，並專人護送梁隊長至藍田，適返芷江，其見義勇為如此。

六十三 卡金福林耀績

卡金福同志，江蘇武進人，年三十六歲。三十三年四月，由滬攜機件赴常州架設電台，於火車中，爲匪徒所擊殺。

林耀績同志，源於抗戰戰局之艱危，於三十四年五月十九日，參加知識青年志願入伍，不幸於建甌途中覆車殞命。

六十四 成兆貴林明旺

成兆貴同志，爲湖北支團通山分團第七區隊第四分隊團員。任第六保保長，嘗激勵民衆，不作順民。不意於三十四年六月，忽爲敵所捕，被解往隣縣咸甯，以熱水浸之，遂慘死。

又林明旺同志，年二十六歲，廣東惠來人，惠城陷後，潛入敵方，從事敵後工作，以辛勞過度致疾，醫治無效，三十四年七月十九日，死於泗竹舖自衛第一中隊部。

六十五 吳振興方光祖

吳振興同志，福建龍岩人，年三十一歲。任福建支團龍岩分團第十區隊隊員，兼龍岩縣小池鄉副保長。平素於肅奸工作，異常努力。嘗協同擊斃奸偽首領吳某，因遭其報復。三十四年十二月二十一日，在龍岩小池鄉何家坡，被奸偽殺害。

雲南支團團員方祖先同志，年二十四歲。工作勤奮，不避艱險。不幸因公於途中覆車被焚而死。英年斃志，可哀也已。

六十六 張學英崔天職馮興元常瑛李禎麟何紹武等六人

山西支團團員張學英同志，年三十一歲，山西洪洞人。團員崔天職同志，年二十五歲，晉城人，均遭敵殺害。又團員馮興元同志，年二十六歲，常瑛同志，年二十五歲，皆沁水人，均被敵俘殺。禎麟同志，年二十七歲，晉城人，被奸偽刺殺。何紹武同志，年二十五歲，晉城人，被敵活埋。皆英年齏志，令人悼惜彌已！

六十七 張公訪

張公訪同志，爲第三戰區支團直屬東流區隊第一分隊分隊長。工作積極，富有革命精神。常率隊員，深入鄉村及淪陷地區，宣揚三民主義與領袖之訓示，並策動敵後青年，破壞敵偽設施，激發抗戰情緒。如政府辦理兵役以及征實征購等工作，罔不努力協助。不幸積勞致疾，竟至不起。

六十八 黃筍班劉家鑾蔡由容曾又泉等四人

黃筍班同志，任湖南長樂縣參議會副議長，曾督率民衆，協助克復長樂縣城，並計劃當地團部所屬戰地服務隊游擊根據地，及其攻守策略，甚著勞績。又劉家鑾同志，蔡由容同志，均爲團務工作人員，曾尋獲重要引路漢奸二人，皆難能可貴也。

曾又泉同志，爲長樂航城戰地青年服務隊隊長，於縣境未淪陷前，率隊維持治安，偵察敵情，抵禦攻城之敵；並於第一次克復縣城時，冒險突進，率部入城，安輯流亡，勞績甚著。

六十九 熊之桐傳 政

熊之桐同志，年三十三歲，湖南南縣人，爲湖南中學區隊第二分隊長，工作積極，於三十二年五月十日，被敵殺害於南縣麻河口。傅政同志，年二十八歲，南縣人，爲和親鄉鄉長，亦於某月十三日，被敵殺害於麻窖，皆於敵後冒險犯難，卒致成仁，彌堪悼念！

七十 邢鳳錦閻志英

邢鳳錦同志，任河南鄭縣分團第二股股長。鄭縣失守，邢號召公教人員及學生三百餘人，相約伺機打擊敵軍，不幸爲敵所俘，被抽血而死。

閻志英同志，爲山西鄉甯分團稷山縣組織員。因赴管村出席指導分隊會議，爲叛逆所知，潛伏道旁，槍擊殞命，並投屍井中。

七十一 張寒江黎兆恬龍盛斌歐子政等四人

廣西支團幹事會主任組員張寒江，湖北孝感人。於長老地方作戰時，力疾主持後勤工作，組織担架隊，救護受傷人員，並臨時成立後方醫藥站，醫治傷兵，維持後方秩序，尤非井有條，勞績卓著。

是役支團組員黎兆恬，担任前後方聯絡及友軍聯絡工作，並主持軍需供應。又言率龍盛斌歐子政等，冒險越敵火綫，向友軍借取彈藥，遇敵尖兵，歐子政左手重傷幾遭不測。

七十二 羅之房胡秉昶宋傳森周耕儒劉隆華薛紹煊等

六人

湖北支團監利分團部團員，努力抗戰工作，忠貞勇毅多有爲團犧牲者。幹事會書記羅之房，於三十三年八月被奸僞活埋而死。第五區隊隊附胡秉昶，於三十三年八月爲奸僞槍殺，第二區隊第二分隊團員宋傳森，於三十二年，被敵槍傷殞命。團員周耕儒，於三十二年，被敵刺死。第六區隊第二分隊團員劉隆華，於三十三年，被奸僞逼死。第四區隊第二分隊團員薛紹煊，於三十二年，以奸僞倒行逆施，悲憤填膺，且因積勞致疾而死。

團員忠勇故事集

第四編 忠義可風

一 朱龍生蔡子炳

朱龍生同志，浙江富陽人，爲浙江支團杭州分團團員，工作極努力。不幸於二十九年二月五日，於富陽爲敵所俘，不屈，遂遭毒手。

杭州分團團員蔡子炳同志，秉性忠勇，奮發有爲。二十九年二月十六日，於杭縣凌家橋，遇敵被俘，臨難不屈，亦遭慘殺！

二 駱漢中

駱漢中同志，浙江錢烏人，年二十一歲，杭州分團直屬第八隊團員，擅長破壞技術。於二十九年七月十五日下午五時，潛入杭縣凌家橋，圖乘黃昏時，破壞敵彈藥糧秣倉庫。不幸爲敵所覺，遂被俘。敵雖嚴刑逼供，駱終臨難不屈，大義凜然，卒被慘殺於凌家橋附近石龍山下。

忠義可風

三 何志木解遯平

何志木同志，爲浙江支團杭州分團團員。二十九年八月二十九日，於杭縣凌家橋，爲敵所俘，嚴刑拷訊，堅不屈，遂遭慘殺。

解遯平同志，浙江黃岩人，年三十五歲，任浙江支團，黃岩分團部籌備處辦事，兼黃岩青年服務社社會服務股幹事。工作積極，忠貞不渝。曾創辦民校，成績甚著；惟因積勞致疾，三十年一月二十七日，不幸病歿。

四 張仲樂郭嵩三

張仲樂同志，郭嵩三同志，分任蘇北區團直屬幹訓團區隊第一第二分隊長。三十年春敵攻興化，兩同志搬運省幹訓團公物，於北門外烏市蕩中，與敵艇遭遇，被執，不屈而死，時爲二月二十一日。兩同志均江蘇沐陽人。

五 李國華陳明光

李國華同志，浙江東陽人，年二十六歲，任金華青年招待所副總幹事。志行高超，學識兼備，對青年訓練工作，不遺餘力。從事團務，尤具忠忱，終始不懈。三十年二月，奉調赴渝受訓。不幸於三月八日，行經廣西河池，車覆殞命。

陳明光同志，浙江溫嶺人，年二十五歲，任浙江支團溫嶺分團部籌備處股員。自三十年三月到職以還，勤慎服務，成績卓著，忠貞不渝，惟以積勞成疾，仍勉勉從公，竟致不起。

六 李紹陵

李紹陵同志，浙江平陽人，平陽縣青年服務隊隊員，工作勤奮，尤努力於鋤除奸偽，遭其嫉恨。三十年六月二十日下午五時，於平陽曉陽鄉第七保地方，為奸偽方貽澤等十人所擄，翌晨被害。臨難時，忠貞不屈，從容就義，亦難能可貴矣。

七 樓崇崙

樓崇崙同志，浙江嵊縣人，中央政校大學部第七期畢業，年二十七歲。歷任永嘉分團及直屬第一分團書記，龍泉分團主任，及浙江支團視導員等職，努力工作，忠貞不渝，洵為本團優秀堅強之幹部。惟以積勞致疾，三十一年冬，返籍休養稍瘳。翌年春，奉調赴渝受訓，未幾，病轉劇，於九月十九日，歿於中訓團軍醫院中。樓同志矢忠黨國，品學俱優，饒有熱情，一旦奄然齋志以歿，令人中心忍切，悼念彌已也！

八 袁文玉袁一志

袁文玉同志，浙江富陽人，杭州分團團員，對團務工作，素富熱忱。三十一年一月間，深入富春江北岸敵後工作，被俘不屈，遂遭毒手。

袁一志，浙江嘉興人，年二十五歲，任嘉興分團第三隊分隊長。三十一年四月二日，因公在高善陶莊遇敵，被俘，不屈，殉職。

九 唐凱王森

唐凱同志，江蘇泗陽人，爲蘇北區團，淮陽分團第二區隊隊員。三十一年五年，在淮陰爲敵所捕，不屈被害。

王森同志，浙江海鹽人，年二十九歲，爲浙江支團嘉興分團部第一行動隊隊員。三十一年七月五日，在嘉南興善寺，爲敵所俘，不屈，遂遭毒手。

十 王其火

王其火同志，浙江東陽人，年二十五歲，任金華青年招待所伙夫。三十一年五月，金蘭衢江相繼陷敵。王即業招待所，工作忠勤不懈。當雲和遭敵機大轟炸時，奉令搶運該所倉庫，敵機空不稍避，卒被炸死於城內橋邊。

十一 李雪非高壽銘陳炳耀

李雪非同志，四川榮縣人，年三十四歲，任衢縣分團幹事。高壽銘同志，浙江海甯人，年三十九歲爲衢縣分團團員。陳炳耀同志，年二十五歲，浙江衢縣人，爲衢縣分團直屬第十四分隊團員。三十一年夏，敵竄擾衢縣，李協助政府從事應變工作，七月始撤退至常山縣芳村，不幸被俘，遭非刑拷訊，不屈遇害。高於敵至後未離職守。六月七日，於衢縣小南鄉金溪被俘，不屈，遇害。陳於八月，在衢縣北鄉雲溪被俘，不屈，遇害。

十二 葉日昇汪友法

葉日昇同志，浙江松陽人，年二十歲，直屬松陽區隊團員，幹練勇毅，年少有爲。三十一年夏，松陽陷敵，葉潛伏敵區松山地方，偵察敵情，農曆七月十五日晨，不幸被俘，忠義不屈，遂遭毒手。

汪友法同志，浙江嶧縣人，年三十二歲，嘉興分團部第三行動隊隊員。三十一年七月十二日，在嘉南被僞軍所俘，威逼利誘，皆不屈，遭其毒手。

十三 許乃文柳 構

許乃文同志，浙江紹興人，年二十六歲，任嘉興分團部第十三分隊分隊長。三十一年八月五日，因致力團務，爲王店敵軍所俘，不屈成仁。

柳構同志，浙江雲和人，年十九歲，任雲和戰時青年服務隊隊員，不辭勞怨，勤奮工作，忠貞不渝。三十一年夏，敵陷松陽，並圖進犯雲和。城區民衆，相率逃避，時值稻熟，奉令赴西坑揚梅襲等處，發動人民回城收割，以免資敵。往返四次，暑中辛勞過度，致罹痢疾，於八月二十二日上午九時，痛劇逝世。

十四 趙乃鑫葛厚德

趙乃鑫同志，浙江杭縣人，爲青年團浙江支團，杭州分團團員，於原籍積極從事地方自治工作，對團務，尤異常努力，勞怨不辭，忠貞不渝。三十一年九月五日因積勞成疾，歿於杭縣上泗鄉。

葛厚德同志，浙江東陽人，年二十四歲，任嘉興分團部第七分隊長。三十一年九月二十五日，因公在嘉興南遇敵被俘，不屈，殉難。

十五 徐履雅

徐履雅同志，江蘇銅山人，年二十九歲，海鹽分團第二流動檢察組組長，在海北敵後工作，歷三載，勞績卓著。三十一年一月十八日，敵於海北，發動「清鄉」，徐不為撓，堅守崗位，卒被俘，敵偽百般威逼利誘，徐臨難不苟，遂於十二月間，在海鹽通光鎮被害，志節堅貞，可以風矣。

十六 王鴻賓邵良鏞

王鴻賓同志，湖南零陵人，年二十五歲，任嘉興分團部第八分隊長。三十二年一月四日，因公在杭縣遇敵，不屈，殉職。

邵良鏞同志，浙江郵縣人，年二十五歲，為嘉興分團團員，三十二年一月五日，在德清遇敵，不幸被俘，終不屈，遂遭敵慘殺。

十七 陳日新

陳日新同志，江蘇鹽城人，年二十三歲，任三十三師一九八團少尉連指導員，為蘇北區團直屬幹訓班區隊第五分隊隊附。三十二年二月，敵寇掃蕩淮東。時陳為守軍一分子，被執，迫供軍情，不屈，於淮安車橋遭敵毒手。

十八 張化選陳守中鄭稼軒郭大偉等四人

三十二年六月銅山分團股長張化選股員陳守中，團員鄭稼軒等，均不幸於碭山大區鄭莊，被敵所俘，不屈，遂無音訊。

郭大偉同志，任上海支團行動第一大隊大隊長。連年在滬，與敵僞鬥爭，鋤奸殺敵，卓著助勞績，敵僞因欲得而甘心。三十二年六月，郭不幸被捕入獄，屢受酷刑，誓不屈，受重傷而死。

十九 丁鳴竹黃子美

丁鳴竹同志，江蘇淮陰人，年三十歲，任蘇北區團淮陰分團第一區隊分隊長。三十二年六月，在本縣爲奸僞所包圍，被執不屈，遂遭殺害。又蘇北區團團員黃子美同志，於三十年三月十二日，於敵機空襲中，因公未及走避，亦不幸殉職。

二十 吳少白

吳少白同志山東新泰縣人，三歲喪母，由祖母撫育，稍長，事父至孝，聰穎好學，耿介寡言。

笑，二十歲時，畢業於濟南第一師範，任本縣第一小學教員九年，循循善誘，有聲教育界。「七七」變作，山東繼河北陷敵，君憤曰日寇慘殺同胞，集結縣內愛國志士三百餘人，組織遊擊隊，狙擊敵軍，頗著戰績。其後全縣遊擊隊，風起雲湧，實君倡導之力也。二十七年，山東支團主任秦啓榮至縣屬羊流，組設專署，創辦青年幹部訓練團，君加入受訓，並宣誓入團。畢業後任當地分團幹事兼宣傳股股長。時新洋環境惡劣，敵僞多潛行入境，煽惑民衆，威脅附和。君在環伺之下，獨能從事工作，至今縣內黨團基礎堅固，君力實多。二十九年，任省會區團部第八分隊附，及建設廳科員。三十年入會計班受訓，既結業，任建設廳會計室科員，尋升第一股股長。三十二年七月，奉令隨省府入皖，軍行至鄒魚交界處，遭敵截擊，即所謂車絡口之役也。被俘解濟南，敵逼供不應，備受慘毒，終不屈，遂遇害，時年三十六歲。

二一 汪一能張君著格他學李剛韓家學等五人

汪一能同志，任松城縣長，因貫澈禁烟法令，與番民（樸民）誤會，因而衝突。三十二年夏，番民圍城，突圍被執，慘殺死。張君著同志，灌縣人，年二十八歲，任松城縣督學，於汪隊長

被圍安順關時，負責供應接濟，奮不顧身。三十二年七月十九日拂曉突圍，中彈殉職。格他學同志，爲松潘番胞，年二十七歲，爲縣府服務員，於安順關山上，攻擊裸匪，中彈陣亡。李剛同志，年二十九歲，亦松潘番胞，任縣府服務員，於安順關突圍後，在槍林彈雨中，身負汪縣長避亂，裸匪尾追急，乃暫避岩穴下，汪伏地面，李則俯伏汪身以遮掩之，但卒爲搜獲，李正色曰：此汪縣長也，不得加害，我死而已，汪爲之感泣！隨匪返安順關途中，匪以刀劈其背，路經河濱，兆伺隙躍河中，旋遭槍擊而死，一時水面殷紅。韓家學同志，亦松潘番胞，年二十八歲，服務於縣府，是役隨縣長巡查劇烟，亦殉職於亂軍中。

二二 韓裕喆高殿庚

韓裕喆同志，任魯蘇戰區挺進第三縱隊電台台長，兼理支團電訊工作，晝夜不懈，備極辛勞，於分隊工作，尤具熱忱。魯省府遷阜後，韓乃負責經辦省府魯南辦事處及支團電務事宜。三十一年七月二十四日，奸匪進犯莒縣王家洶防地時以槍救電台，被殺殉職。

高殿庚同志。魯支團辦事員。忠於職守。三十二年七月初旬。以假滿返團。於黃台車站，爲敵所捕，羈獄中數月。屢受嚴刑，終不屈，九月二十九日，以刑傷過重而死。

二三 徐森汪潛

徐森同志，滿北陽新人，年三十二歲，三十一年春，任武昌分團部第三股股長，勞績甚著。三十二年秋，因公於馬橋鄉屬之米節販途中，突遇奸偽，被拘至龍口馮，非刑拷訊，遍體鱗傷，徐大義凜然，不爲所屈。遂於八月二日。死亂刀之下！

汪潛同志年二十九歲。曾任聯保主任及應城分團分隊長。三十二年四月十八日被奸偽所擄。逼令指引捕獲我團中同志。汪誓死不從。遂遭毒手。

二四 郭登瀛

郭登瀛同志，任山西支團陽城分團部服務員，嘗偵獲敵奸探四名，步鎗二支及其他軍用品甚多。三十二年十月一日，被奸偽圍襲於石末村，因而被俘，百般拷訊，堅忍不屈，敵無如何。至十二月二十一日，在高平信莊，被敵以亂石擊頭而死。

二五 姚子江

姚子江同志，鹽分團第一區隊第十一區隊隊附，久在陷區，奮勉工作，甚著勞績。淮東事變，出生入死，推進團務，尤屬難能。三十二年十月十五日，不幸被奸偽所擄，嚴刑拷訊，終不吐實。十月二十二日，遂於鹽城第十一區沿南鄉顧家莊地方，遭其毒手。

二六 王瑞璋

王瑞璋同志，任蘇豫皖邊區支團尉氏分團主任，領導團務工作數載，經費公糧均以私人籌募，以此精神所注，團務順利開展，三十二年冬，以私人財力竭蹶，於十一月二日，因公糧問題，轉道魯山，向省府當局交涉，二十二日公畢，返經周楊村，被匪狙擊，身中三彈而死。

二七 車振華

車振華同志，山西支團垣曲分團部錄事，三十二年十二月二日黎明，赴垣曲縣屬東河溝一帶，運絡區分隊長。路經上磴坡坂，被敵偽自衛團十餘人，捕送垣曲縣警備隊，經四次嚴刑拷訊，終不為屈。翌年三月五日，經其親戚鄧士德李生華，設法營救，始獲脫險。

二八 劉福泉

劉福泉同志，浙海鹽澈浦人，性敏慧勇毅，深具愛國心。海鹽陷落，即參加抗戰工作，先後從事諜報及突擊工作，勛績素著。三十年任海鹽分團行動隊長，從事鋤奸殺敵，及策動偽軍反正，益多建樹。三十二年十二月十九日拂曉，於石泉附近王家埕民家，為來自迪元偽隊所襲，變起倉猝，劉隻身不及抵抗，被俘，轉解沈蕩，豐威逼利誘，敵軍亦提訊者再。劉備受虐刑，堅不

吐實，入獄稍久，因秘密煽惑同獄，抗日志士六人，於一月三日清晨越獄，次第潛越高牆而出。不幸其最後一人，被看守者所覺，鳴槍示警，一時敵偽聞聲四合，劉等甫出牆外，遂被圍擊。劉中二彈，佯死河邊，乘敵偽追擊他人，復起奔逃，但仍被追捕。敵偽深恨劉，倒懸作槍靶。遂壯烈犧牲，時年二十四歲。

二九 尤慶國

尤慶國同志，廣州灣東海鄉麻丹村人，年三十三歲，畢業於廣州灣西營益智中學，學行俱優，爲廣州灣分團團員。三十年八月，奉派駐西營推動組織，搜集情報，往返廣州灣梅茶間，卓著勛勞。三十三年一月十二日，以消息洩漏，爲敵所執，刑逼利誘，皆不屈，遂被害。

三十 鄭鎮和

鄭鎮和同志，廣東潮陽人，潮汕戰地服務隊隊員，爲人勇敢善戰，服務潮陽救護隊時，於敵機空襲之下，每冒死救人，參加戰地服務隊後，奉令潛入潮陽城，聯絡我方別動隊，相約於三十三年一月二十六日，以炸彈投擲敵偽警備隊。事洩，被捕，囚禁偽縣府看守所，經時半月，迭受毒刑，堅不吐實。卒於二月十四日下午三時，遭偽方慘殺！

三一 葉豈凡

葉豈凡同志，江蘇南翔人，年二十四歲，經團部介紹任忠義救國軍蘇常行動總隊大隊長，兼無錫分團行動隊長，曾槍殺漢奸無錫社運專員王韻輝等。於敵偽物資，破壞尤烈，其庫鐵道，多所炸毀。不幸於三十三年二月在上海呂班路，被捕，遭江灣敵陸軍司令部嚴刑拷訊，忠貞不屈，遂遭毒手。

三二 吳慶雲

吳慶雲同志，廣州灣分團團員，三十三年，在赤坎殉難。其事幾隱而不彰。乃事後有梅某保源號店主歐福五，向分團梅某通訊處報告稱：「有茂名縣城美昌號店主梁祝南，於三十三年一月，被赤坎敵憲兵拘捕，疑其藏無線電機，私聽盟國廣播，被留甚久，至三月底始被釋，經梅某，告以被拘留之地，適與吳慶雲同在一處，目擊吳慶雲受刑訊，如灌水，毒打，穿足掌，種種酷刑，不一而足，然吳終堅毅不屈。被害前數日，吳密告梁：「余實團員，自分必死，革命青年，不成功便成仁！家僅老母，倘君異日出獄，請告余母，勿過悲傷也」云云。於是吳之殉難，始獲彰聞，亦可歌可泣矣！

三三 張志怡

張志怡同志，爲浙江支團直屬義烏區隊景寧青年服務隊長。三十三年十一月五日下午一時，因公途經義亭，不幸於逾越鐵路時，爲敵所擄，經搜獲差假證，勸募獻金宣傳品，及奉派景寧服務隊長令文等件。當被解至義亭火車站，是夕，禁閉地穴中。穴小，頂有木蓋，人不能直立，兩腿須半彎，並以繩反接雙手，頸上另以一繩聯而吊之。手稍向下，則頸間緊緊，不能呼吸，站不得，坐臥不得，倚伏不得，飲食不得，如是在穴中，歷四十餘小時之久。十七日下午二時許，提訊，張抗聲言「頭可斷，志不可屈」，要殺便殺。餘無一言」。敵遂施毒刑，先以木棍擊散其週身關節，繼則灌水，再次倒掛，以木桿壓喉，全身燃火，耳中燃燈，以香烟刺背，以鉛絲一端刺入生殖器，另一端以火燃之。歷受種種酷刑，死而復蘇，至於五次，張仍大罵，敵乃重禁閉之於另一水穴，歷三日，另移禁一穴中，洞中屍骨堆積，漢奸敵寇，不時誘脅，不爲所動，十一月二十三日，復提解至金華孝順處死，途中適我機往襲，敵兵紛避，張遂乘機脫險逃歸，然已遍體鱗傷矣。張志怡同志遭此險厄，一以大無畏精神處之，剛毅堅貞，真足資矜式矣。

三四 杜海清黃黎光

杜海清同志，浙江金華縣人，任金華精塘區指導員。三十三年十一月八日，於金華山下，遭奸偽襲擊，身俘不屈，遂遭毒手，時年三十七歲。

又黃黎光同志，中央軍校第三分校畢業，爲鄞縣分團戰地服務隊隊員。三十三年秋，因担任情報工作，深入敵巢，於軍事多所貢獻，不幸被俘，敵威脅利誘，均嚴詞拒絕，遂於十一月十二日被害。

三五 周復祥李翹湘

長沙分團戰地服務隊第四大隊辦事員李翹湘，隊員周復祥，於三十三年十二月二十日，攜公文，途經長樂鄉之加馬。其他邱陵起伏，爲往來必經之路。敵適據友軍廖某，返經此間，遇於山嶺。周李仍前行，敵檢查，李身繼及周，不幸於周衣破棉襖中，檢獲公文。李料已爲敵發覺，印下山於田邊佯作洗手狀，乘機以文件，納污泥中，復前行，敵喝令同返。是夕，周備受嚴刑拷訊，終始不屈，敵命其索我游擊隊，周因誘敵深入，引敵至友軍根據地，冀其圍而殲焉，乃友軍

托詞恐糜爛地方，竟不發一彈。敵狂怒，痛擊周，復再三拷訊，周終不洩機密，遂與途遇被俘之廖某，同遭毒手。李被捕後，亦遭拷訊而無口供，敵命其充苦力，一月後。始經營救出險。

三六 黃修源 蔣義福

三十四年一月湘潭分團城區區隊長黃修源同志爲漢奸告發，遭敵憲兵逮捕，利誘威脅，繼以嚴刑拷訊，並嗾軍犬羆之，逼吐真情，黃堅不屈服，繼由城區情報站，營救出險，幸矣。

又東陽分團團員蔣義福，於三十四年三月五日，爲敵所擄，嚴刑勒索，蔣不爲屈，嗣乘間伺隙，僥倖歸來，亦幸矣。

三七 姚克儉

姚克儉同志，山西浮山人，爲臨汾區隊所屬第二分隊團員。三十四年一月二十九日，因公赴臨汾縣，過枕頭村，被奸僞扣留，送往浮山，迭辭刑拷訊，終不屈，二月二十一日，被迫服毒而死，時年二十五歲。不死於敵寇，而死於國人之手，使人悼惜彌已！

三八 毛子佩

三十三年五月中央委員蔣伯誠先生，在滬爲敵憲兵所捕。青年團上海幹事毛子佩同志，時亦在滬工作。其住址因疫敵偵知，搜索甚急，以所負黨國職守甚重，不敢擅離市區，致於同月十六日，並陷敵手，入獄六月餘，備受酷刑，膚體鱗傷，屢瀕於死。始終未供一詞，未累一人，敵威迫利誘，技倆既窮，十一月二十日始予釋放。迨三十四年三月，終爲敵所疑，復遭拘禁。歷五日，再釋出，君乃不得已於同月十九日，化裝脫險，離滬暫避。當其在獄時，仍轉輾設法，密爲黨團籌募經費。達二百萬元之鉅，彙年中央組織部吳副部長在滬被難，黨部經費，亦多賴君籌措，其難能可貴類如此。

三九 王法庭樊玉山

王法庭同志，山西陵川人。爲臨川第六區隊第二分隊隊員。三十四年三月十四日，因公往陵川大山一帶，過禮義鎮，爲奸僞所擄，百般拷訊，不屈，被刺殺於山嶺，暴尸荒野，時年二十六歲。

樊玉山同志於同年六月十一日，因公赴長子縣屬之石哲鎮，道經李村，亦爲奸僞所擄，酷刑拷訊，終不屈，遂遭毒手。

四十 江百川邵子順

江百川同志，江西繁昌人，年二十四歲。二十年三月十日入團，任江西支團繁昌分團直屬第六分隊分隊長。三十四年四月九日，在繁昌縣紫蘭鄉接官亭被匪徒槍殺，臨難猶高呼口處，從容就義。

邵子順同志，浙江武義人，年二十七歲，爲青年團浙江支團直屬武義區隊第七分隊團員。武義淪陷前，邵仍留駐敵後，但任組訓民衆工作，甚著勞績。三十四年六月十一日，邵方策動民衆，圖破壞敵方軍事，惜事機不密，遭敵逮捕，經綏送童盧僞良民辦事處，嚴刑拷訊，並迫供陷區同志姓名，邵大義凜然，堅不屈，遂於十七日，爲敵慘殺。

四一 秦啟棠

秦啓棠同志，魯支團團員。三十二年五月十日，新四師吳化文背叛，導引敵寇向戰區省府及各抗戰部隊進襲，秦時在臨朐戰場被俘，卽由吳自沂水悅莊解送益都，轉解濟南，疊遭刑訊，威

逼利誘，無所不用其極。秦惟自承爲國民黨員與青年團團員，絕不屈伏，冀求速死，敵亦無可如何。囚繫獄中，歷二年三月又七日，始因敵寇投降，恢復自由，忠貞不渝，可以風矣！

四二 蔡葵方陳巖峯

蔡同志葵方，任河南伊川縣長，嘗留學日本，敵訪知，以爲可誘，特派其同學某前來游說，冀其附逆。蔡以與敵不共戴天，兼爲激勵民衆敵愾之心，毅然殺說客，大義滅親，良足多矣。

又陳巖峯同志，爲河南支團西平區隊區隊長，志行純潔，得衆望，家本素封，敵至卽封其家門，威脅附逆，陳終不屈，甯毀家，不附敵，堅貞不渝，可以風矣。

四三 賈士

河崑分團部第一區隊第二分隊團員賈士，山西偏關人，服務於河曲縣政府看守所，以看守所設備不周，奸犯陳安民等七人，遂陰圖越獄，一日，於夜半索飲水，賈送水入，甫入門卽被以棉塞口，迫令相偕赴獄，賈忠於職守拒絕偕走，因被勒斃，時年二十三歲。

四四 柴天真

樂天真同志，山西長子人，年二十六歲，任還城分團幹事兼書記，勤奮工作，成績卓著。三十年五月中條山會議，率部駐平陸淵陽，擔任戰地工作，我軍撤後，仍留原地，未離職守，鬪敵驟至，不幸被執，輾轉徙太原，非刑鞠訊，威逼利誘，皆不屈，絕食七日，瘦死獄中。



日五月七年六卅

學

中華民國二十五年八月再版 (二一五〇〇〇)

版權所有

團員忠勇故事集(二)

定價國幣七五〇元

編著者 包文同

發行者 青年出版社

印刷者 新中國印刷廠

南京：中山路六〇六號

